

疏劄
啓辭
議

碑銘

清陰集
七

清陰先生集卷之二十一

疏劄二十二首

南漢扈從賞加辭免疏丁丑五月

伏以臣本病人加以年老諄眊隕心於擢髮數罪
之書失性於天地反覆之際形存神死有同土木
無復有立朝從仕之望轉輾流落朝夕待盡不意
伏聞南漢 扈從諸臣俱受賞加而臣名亦在其
中臣始焉驚疑終焉慙懼涉月經旬愈不自安方
駕駐山城也大臣執政爭勸出城而臣敢以死守
之義安陳 榻前臣罪一也降書文字所不忍見

手毀其草痛哭 廟堂臣罪二也兩宮親詣敵營
臣既不能碎首馬前病又不得隨行臣罪三也臣
負此三罪尚這刑章豈敢與諸臣之終始羈勒者
均蒙 恩數也伏乞 殿下亟收成命以昭勸懲
之道如臣濫側者必有公論改正之事而遠伏荒
野聞見未逮猥此煩籲無乃謬乎且臣伏念寒暑
不輟則裘葛不可廢敵國未滅則戰守不可忘伏
願 殿下克勵新膽之志增修保障之地免使
國家再辱焉嗚呼母信一時之要盟母忘前日之
大德母過恃虎狼之仁母輕絕 父母之邦誰能

以此為 殿下懇懇陳戒乎夫以千里為讎人役
古今所羞每思 先王奏文萬折必東之語不覺
泣涕霑衣也伏願 殿下念之哉念之哉臣狂惑
迷亂又復妄發萬死萬死臣不勝惶恐戰灼之至
謹昧死以聞

請勿助兵瀋陽疏
已卯十二月

負罪臣金尚憲誠惶誠恐頓首頓首冒萬死謹上
言于 主上殿下伏以臣積毀砭骨分甘投荒伏
蒙 天地父母之恩行遣既免職牒繼還偃息田
廬沒齒為期自念老病餘生朝夕待盡無以報

盛德之萬一惟日夜感激涕泣而已頃者伏聞
上候違豫久未復常臣子之心雖切憂慮素昧方
技末由效誠近日又聞道路言朝廷從止使之言將發
兵五千助瀋陽犯大明臣聞之驚惑未定不以
為然夫臣之於主亦有可從不可從子路冉求雖
臣於季氏孔子猶稱其有所不從當初國家勢
弱力屈姑為目前圖存之計而以殿下撥亂反
正之大志卧薪嘗膽今已三年于茲雪恥復讎庶
幾指日可望豈意愈往愈微事事曲從終至於無
所不至之地乎自古無不死之人亦無不亡之國

死亡可忍從違不可為也有復於 殿下者曰人
有助寇讎攻父母 殿下必命有司治之其人雖
善辭以自解 殿下不赦必加以王法此天下之
通道也今之謀者以為禮義不足守臣未暇據禮
義以辯雖以利害論之徒畏強隣一朝之暴而不
懼天子六師之移非遠計也有丁丑以後 中朝
之人未嘗一日忘我國特恕其亡救而敗拜戎非
本心也關下列屯之兵海上樓船之卒雖不足於
掃蕩襄復遼疆而其於禁我國之為梗則有餘也
若聞我國之人為倭寇於虎前問罪之師雷奔霆

擊帆風一日直到海西折島之間毋謂可畏者獨在於瀋陽也人皆曰彼勢方強違之必有禍臣以為名義至重犯之亦有殃與其負義而終不免危亡曷若守正而俟命於天乎然其俟命者非望而待亡之謂也事順則民心悅民心悅則根本固以此守國未有不獲其佑者也我太祖康獻大王舉義回軍建二百年鞏固之基宣祖昭敬大王至誠事大被壬辰年拯濟之恩今若棄義忘恩忍為此舉則縱不顧天下後世之議將何以見先王於地下亦何以使臣下盡忠於國家哉伏望

殿下赫然改圖亟定大計勿為強暴所奪勿為邪
議所誅以繼太祖宣祖之志以副忠臣義士
之望臣受國厚恩久從大夫之後雖在廢退當
此國家莫大之事義不可泯默前日柳琳之行
臣居遠事迫未及獻言茹恨在骨至今耿耿茲敢
不避忌諱輒陳愚悃恭俟鈇鉞之誅伏願殿下
垂察焉臣不勝惶恐戰灼之至謹昧死以聞

謝賜御札貂裘疏

到灣上縣名疏右二首見雪窖集

到門外陳情退歸疏乙酉十月

伏以臣久繫異域艱苦萬狀伏蒙一天地父母軫
卹之仁一橐一饋周非雨露縷命絲息延至今日
獲返故國復瞻脩門枯楊華萼朽骨豐肌未足以
喻聖恩也區區感激之衷只有銘鏤心肝九原
之下結草圖報是臣至願也第念臣通慢積戾轉
入坎窞撫心怵惕尚未前白不敢冒進 闕庭祇
謝 鴻渥加以重嬰疾病繁廢運動矯望 楓宸
未由致身犬馬之齒已迫八旬測景視晷朝夕懔
懔一投田廬求隔一天日尺疏絀辭但有涕淚臣
不勝悚慙屏營之至謹昧死以聞

陳情疏 二月

伏以臣屏伏田廬竊聞 下政院之教臣誠隕越
死罪死罪臣性稟偏滯識見昧陋發言慮事之際
不能方便委曲動為中行之論所不與此不獨同
朝諸臣之所共知亦 殿下之所洞燭也臣六年
異域幸得不死終返故國復見天日無非我 殿
下布德覃惠之所及其日夜感激銘鏤之私詎能
以文字形容也頃至都下寓身西郊引領向 闕
且喜且悲欲進 禁門一步地仰瞻 穆穆之容
者豈有量哉顧臣昔年西去之日初謂永辭於

闕下而未有明 命不敢冒進當時豈知有今日
也臣伏承 中使傳命不覺泣涕沾襟臣之此情
鬼神監臨今之歸也陳疏十日延行郭外者亦以
未有 明命不敢冒進不然臣之老病雖不得陳
力就列一望 清光固臣至願何忍若是懇也若
公言請見亦非臣之所敢也臣心炳炳一毫無飾
第臣之家廟在於城中臣一番展謁者誠以君臣
父子之間恩義攸分禮有時而不同故也臣立朝
亡狀平生言行不能見信於君父及遭 嚴威震
薄乃敢仰首鳴冤此實臣之罪此實臣之罪也臣

年迫八旬路經千里氣力已竭四體不遂不得歸
命司刑濫達章疏此又臣之罪也臣無任兢惶戰
慄之至謹昧死以聞

辭左議政疏 丙戌三月

伏以三月二十八日史官洪命夏齊傳右副承旨
鄭維城成貼有旨以臣為議政府左議政斯速
乘駟上來者臣在楊州村舍祇受臣屏伏田里分
甘沒齒千萬夢寐之外有此新除且下召命感
激惶駭罔知所處臣立朝五十餘年厚蒙國恩
未有消埃之報罪戾山積曲被寬貸以至今日

苟有一毫效力之地糜身粉骨亦何敢辭第念臣
本以駑質年迫八旬屢經患難九死一生精力已
竭視聽俱廢百病所鑠朝夕就木見臣者無不惻
然哀憐此實舉國之人所共知非臣飾言也雖小
官庶務尚不堪一日供職豈意爰立之命謬及
不似也雖然此則猶涉於臣之身事也臣前自潘
陽來時竊聞彼人舉臣名以謂今日縱遣雖看本
國面上廢錮終身永勿收用云想必有國書文字
之可考者也不但此也頃年一大臣奉使入潘也
潘人致語曰有罪之人何以拜相入來答以非我

自求復問曰雖非自求既拜之後何不固辭偃然
當之此實慢命而然也遂乃拘囚經歲困辱萬狀
况臣之見憎於彼視前日大臣不啻百倍今若聞
臣忝據本職亦必咆哮盛氣責問於朝廷到此
地頭臣身固不足恤其於辱國何哉伏乞聖
明察臣老病庸駑不堪任職重念今日彼此事勢
亟命適臣本職並只新授加資以全公私不勝幸
甚臣無任兢惶戰灼之至謹昧死以聞

再疏四月

伏以臣猥被殊渥叨此重任感銘肌骨即當扶

曳入城祇謝 恩命疾病顛沛有不暇顧而第念
臣所仰籲者非區區身計故茲敢罄竭卑衷冀蒙
垂察恭承 聖批開示丁寧臣伏讀再三感激彌
切臣詳聞前日國書中有曰閱聖徽等四人因
世子求用姑允所請其餘仍不許叙用所謂其餘
臣在其中其言不啻分明今若泛然不察一體收
用則日後致責必無少寬也臣抵死一出無益萬
分貽辱 國家有不可勝言伏願 聖明俾考前
後文書無詢閱變大臣 聖命適臣本職並收新
授加資以尊 國體以全微臣千萬幸甚臣無任

惶恐祈懇之至謹昧死以聞

三疏

同月

伏以臣當國家多事宵旰憂勤之日叨蒙
簡擢未即出謝徒以區區危懇累瀆宸嚴自知
罪不可逭方俟誅譴不意近臣臨門敦諭丁
寧臣雖愚蠢寧不感動第臣之所控者非為臣私便
之圖不得不更竭微誠冀垂睿察臣伏見備局
回啓之辭有曰譯人云云夫譯舌之難憑從前慣
知設令萬有一信臣幸備置相之列雖極駑劣亦
何能隨譯舌為進退哉羞朝廷辱名器莫此之

國朝文獻公集卷之二十一
甚所謂不可聞於隣國者也伏願 聖明 亟賜
大斷適臣本職並收新授加資以尊 國體以安
愚分公私幸甚臣無任兢惶戰灼之至謹昧死以
聞

出仕後辭免劄同月

伏以臣不量筋力感激 恩私抵死趨 命顛仆
是期適會多事連日在公頭顱沈重眼目昏眩心
神恍惚立則左歌右傾行則前顛後倒尺地寸步
不能自致傍觀之人莫不指笑臣之中心亦極報
報具瞻之地豈有如此宰相哉借令臣出謀發慮

有益 國家猶不敢踰越聖制既退復進况臣之
駑質庸資重以昏老不顧廉恥不恤人言鍾鳴漏
盡尚貪夜行則實為名教之罪人安所逃其責哉
臣本世臣逮遇 聖明益被拔擢復蒙 禮使于
今二十有餘年矣其在今日或可比簪履之遺也
伏乞 聖慈曲念舊物退之以禮使將死之命永
畢於松楸之下則 天地父母之恩何可量也即
今潢池殘孽次第就辟朝野清寧指日可待病骨
殘骸此時可請臣無任懇禱切祝之至取 進止
請還收廩米兼陳所懷劄五月

伏以臣病未供職不敢受廩蓋不仕則不受廩分
義當然也昨日廩人稱有教命輸送今月廩粟
臣不勝未安之至臣自揆分義不敢例受而今反
重煩公役偃然坐致分義何在廩恥何在伏乞
聖慈俯察愚悃還收月廩輸給之命且臣得見
於朝報前掌令李應著上書論事獲被嚴譴臣
竊惑焉國家既畀以言責之任是使之言也既
使之言言而罪之誰敢復言自古亂亡之道非一
而罪言者尤甚布在方策厯厯可指目今變故多
端人人疑懼不見之禍若在朝夕朝廷舉措尤

當一一謹慎以鎮人心豈宜遽施威怒重駭羣聽
哉伏願 殿下深思爲臣老病昏瞶言不知裁惶
恐俟罪取 進止

敦諭後辭免劄

同月

伏以臣累牘丐免 聖旨不許辭窮情迫神氣索
然苟陳淺薄之辭未徹 深遠之聽宜 殿下之
不諒微誠視同循例也雖然臣病實狀屋漏可證
豈敢文飾以瞞 天聽乎昨蒙承宣 敦諭丁寧
非臣謏劣所能承當臣曾備 邇列二十餘年以
殿下聖明何所不察而乃有此 教也臣之強壯

尚不如人及今衰老寧有補益萬一之望乎倘蒙
早賜骸骨俾藉螻螻則死日生年未足以喻大
恩也臣不勝徊徨悶蹙之至取進止

敦諭後辭免劄

同月

伏以近臣敦諭異數出倫比月重臨益所罕
見人皆聳聽在臣何堪臣誠悸慄若墜重淵臣竊
以擣礫之材本非棟樑之用犬馬之齒已迫帷蓋
之掩適丁變故屢經險艱一息塵存百病交攻八
顛九倒殆不成人此臣之實狀亦聖明之所俯
察也屏伏田廬沒世為期豈圖垂死之日謬膺枚

卜之命感激趨召扶曳入城臣豈不知思慮
之已昏筋力之不逮事勢之難便也只欲肅謝
新恩望見清光退返丘壑瞑目就盡奈何積在
衰疾乘時頓劇眩暈大作腰脚全痿至于今日愈
痊愈甚出入天陛永無期日自顧初心但增悲
歎今臣既無陳力就列之望又負尸位妨賢之誚
唯當乞身退歸更無他計伏惟聖明推誠體下
使臣以禮在廷羣僚同不自遂必不棄老臣區區
自守之志也臣日夕屏營伏俟俞命之端降取
進止

病重乞退兼陳所懷劄

同月

伏以臣竊聞今日憂國之論大抵皆曰天變警告
民心怨苦可懼也武備廢弛經用匱竭可虞也紀
綱紊亂風俗敗壞可駭也此無非切迫之患而難
救之病憂之誠是也雖然臣之所大憂有急於此
者 殿下若採臣之言國可保也不然國未可保
也何以言之 殿下當積年憂勤之餘值一時災
厄之會變生宮闈致盡 聖心始怒一人終怒滿
朝大臣 殿下之腹心 殿下疑之臺諫 殿下
之耳目 殿下亦疑之元首之所以尊臨安固以

保四體者外是何賴哉今 殿下棄腹心塞耳目
亢然居首血脉內痞陰邪外奸欲運四肢而四肢
不仁欲退陰邪而陰邪反盛到此之後雖有俞扁
妙技望見却走更無可救之術此臣所謂國未可
保者也夫姜氏不順不孝得罪 君父天下所不
容大臣臺諫皆 殿下素培養而信任之者義雖
君臣情猶父子言辭進退之際雖多過誤之失徐
究其心豈有一毫背 殿下而向他人乎設令姜
氏身在不過宮中之一寡婦況今已死火冷灰寒
君子喻義初無私護之理小人喻利亦絕後冀之

萌為彼報復萬萬無此理者也伏望 殿下勿復
下此教以安羣臣之心臣白首餘生死在朝夕豈
敢懷奸以欺 聖明哉 殿下斷自今虛心察理
回日月之明廓乾坤之量收雷霆之威 親發德
音昭告遠邇凡前後以言獲罪者悉皆蕩滌赦既
往之愆責將來之效則人心胥悅 國勢永固矣
今日士氣之摧傷正類經寒之草木若不大布陽
和煦噓滋灌盡其長養之道則恐未易成就也士
氣之盛衰消長係國家治亂安危不可少忽也臣
嘗竊觀古之人君留心學問講論治道慶賞威刑

咸欲一出於中正而及其遇事處變不免為喜怒
所使貽悔一時作戒後世者多矣此無他所謂講
學只事口讀文字之上所謂論道不過尋常事為
之末而不用力於涵養本原之地故也果能明此
道則心源澄澈鑑空水止非理之言不能以搖惑
而喜怒之發皆得其中寧有一事之未盡也 殿
下即位以來勤御經筵勉勉不已進益之功豈不
大有所獲也夫何近年以來 乾道日亢臣道日
卑上下未孚人心渙散無復有可為之勢此豈
殿下素所自期者哉 殿下靜言思之亦必慨然

而傷歎也 殿下勿以世道日降歸之天數益自奮勵用迓續景命于將墜也昔衛武公九十猶作抑戒使人日誦於前以資警益斯可為法也臣又聞漢臣賈誼常以識時務自許而其拳拳竭論者在於輔翼太子真可謂知所本矣即今元良得人萬民延頸進德修業此正其時機會所關豈有重於此者哉見在宮僚必多名流彥士各稱厥職然更須博選廣求方正篤學聲實已著之人不限科目別立官稱俾得出入於資善之地則必多所益也臣叨竊寵榮無階上報病纏肌骨既不得進躡

天陛留無所用退將未填溝壑不勝區區之懷欲
陳一言以効愚忠而精神荒落未能發明其心誠
不足仰塵 睿覽倘蒙 聖明俯賜察納臣死無
憾仍乞 聖許速免以全公私之義取 進止

敦諭後辭免劄

同月

伏以臣病伏中竊聞湖西逢謀又發民心之同極
國運之不幸一何至斯仰屋長歎益切腐心不意
昨日 近侍荐降 敦諭至三驚惶感激措躬無
地 殿下不知臣之老耄昏憤如此疾病沈痼又
如此 謂可以更備驅策充位伴食既 下誤命

復加異數德至厚也恩至渥也臣雖不人尚有
視息當此國事孔棘之日豈敢不思盡瘁之義
徒懷自便之計真頑不靈自同土木哉只以不堪
供職之勢宗如前後所陳伏乞聖慈曲垂憐愍
亟賜逋免以濟公私不勝幸甚取進止

辭祿劄六月

伏以臣病不供仕不仕受祿義所不安故前以此
意仰籲宸嚴恭竢瀆擾之誅聖恩寬大不惟
不加之罪至下溫批臣感激惶恐祇承德意
不敢再有所辭然至今中惡若無為容茲者倉官

又以恩命輸送今月料米臣虛帶職名徒竊廩
粟自揆分義益增慙懼伏乞聖明還收料米輸
給之命以安微分取進止

陳情乞退劄六月

伏以臣至情所發不避煩瀆瀝血籲號章三十上
而聖恩隆厚不准所請臣徊徨悶處不知所出
顧念臣不可不退者有四疾病叢身筋力已竭不
能奔走就列其不可立朝從仕一也年紀衰邁志
慮昏眊不能揆事圖政其不可立朝從仕二也言
無可採行不見言上濟之說不入於

黃續世俗

之見動於進退其不可立朝從仕三也官府文
書輒有妨礙率義循勢兩無所屈其不可立朝從
仕四也臣有四不可無一可者而尚且貪戀冒據
苟且度日豈不為明時士大夫之羞乎伏乞
明察臣情勢懇臣老病 亟許遄歸俾保晚節則
不但微臣之幸其於 盛朝遇下以禮之道亦大
有光也臣近遭私憾不獲連章申懇以致曠職彌
久尤不勝惶恐之至取 進止

退歸石室後待罪疏 同月

伏以臣病未從仕虛帶官銜妨賢竊祿仰慙俯愧

不避瀆擾累干 天聽伏蒙 聖恩得釋重負聞
命感激如新受職臣非不欲匍匐詣 闕冀行拜
謝再陳微悃從容辭退而適遭暑濕痿痺益甚末
由致身於 大庭祗肅之地危症交侵死亡日迫
昇至江邊木道經歸雖出於大不得已適慢之罪
實無所逃不勝惶恐待罪謹昧死以 聞

辭職疏 丁亥六月

伏以臣老病垂死人事茫昧退伏田野歸巾待期
無復有再赴 朝列之望跡似逋慢情實可矜虛
帶官銜每增怵惕伏聞本府今春夏考績緣臣之

故不得等第 啓聞臣充切惶恐未安之至 國
家常典自有期限黜陟轉動待此方行不可遲延
時月墜廢舊章伏乞 殿下命達臣職名俾遂公
私千萬幸甚臣不勝激切屏營之至謹昧死以
聞

辭職疏

同年十二月

伏以臣疾病日加筋力日替一身四肢不能運動
喘息雖存實同土木不可以人事責之也以此退
伏田廬朝夕待盡所帶職名今至二年不得肅謝
逋慢之誅安所逃也本府春夏等殿最以臣之故

尚未舉行冬月禹盡前頭又將有考績之舉國
家重典豈可以一人之故屢廢不舉也伏乞聖
慈俯諒微情 亟命速臣領敦寧之職以遂公私
不勝幸甚臣無任惶忭預越之至謹昧死以聞

辭職疏

戊子六月

伏以臣年迫八十疾病日深喘息雖存形神已脫
凡千人事全不省識虛帶官銜尚未乞解臣之昏
耄據此可知前頭本府將行殿最以臣氣力萬無
起動進參之勢前者再度陳疏未蒙 許速益切
惶悚臣忝居首官不可每諉同寮墜損事體伏乞

聖慈察臣微悃 亟命遞臣職名以便公私不勝
幸甚臣無任激切屏營之至謹昧死以聞

病中蒙 賜藥物謝 恩疏 戊子十月

伏以臣大耋之期只隔數月陰陽所感自多疾病
朝夕之間殆無寧息之時乃於本月朔日齒根自
痛漸至肆毒數日之中病肉滿口傳相浸染遂成
危症一粒之食不得下咽者至於七八日形神頓
易氣息慄慄窮山荒谷醫治路絕人事一分鬼事
九分見臣如此孰不以為危且急哉雖臣之心自
分不訖幸於此時伏蒙 聖恩屢遣內醫輒賜成

藥神明所通奇効隨應即今臣之病勢稍得一脉
向蘓若非天地父母再生之恩篤老之年垂盡
之命安能如枯萑之逢雨露委齒之還肌肉也臣
朝夕之人生無以報盛德唯當啣結於九原之
下以畢餘願臣不勝感激流涕之至謹昧死以
聞

無帶 社稷都提調辭疏十二月

伏以臣伏覩本月初六日政該曹以臣備貳社
稷署都提調望受 點者臣病中聞 命震惕措
躬無地臣去十月得病垂死伏蒙 聖恩屢賜藥

物獲延殘喘感幸同極而元氣漸盡諸疾易乘又
得類中之症半邊不仁精神恍惚奄奄將盡本職
敦寧府褒貶亦不得進際方切惶悶不意又叨兼
帶都提調竊念 國家崇奉之重莫先於 社稷
遇事則有祗行奉審之禮居常則有檢飭屬官之
事不可以無甚鞅掌視同閑局如臣老病委頓朝
夕就木之人何敢一日冒據以廢公事乎伏乞
聖慈察臣至情 亟命遯臣本職及新兼 社稷
都提調之任公私不勝幸甚臣無任激切屏營之
至謹昧死以 聞

社稷署都提調辭免疏已丑三月

伏以臣之老病日以益甚數月之內再經大病雖蒙 聖恩得延餘喘而兩手不能收拾兩足不能運動目不辨白黑之狀耳不分鍾漏之音如此而尚可謂之人乎臣之本職已愧虛銜心常悚慄况此兼帶 社稷署都提調雖曰閑官實為重任尤不可一日冒居臣之辭退匪出飾讓伏乞 聖慈俯察危懇 聖命適改以安愚分臣不勝激切屏營之至謹昧死以聞

清陰先生集卷之三

靖陰先生集卷之二十二

疏劄三十一首

病未起 名待罪疏 己丑五月

伏以臣本老孱重罹 大憂數日之內氣力頓盡
不絕之命僅如絲縷滿朝群僚所共目見然臣子
分義死而後已固不敢以疾病為辭也第念臣之
所患不但四體不能收拾精神昏迷日用人事茫
然若在烟霧之中是非當否全昧辨別如此而尚
可謂之人也乎我昨日 召命臨門不得趨詣近
臣敦諭亦未祇承雖使臣自恕安所逃適慢之誅

乎臣不勝惶恐戰栗伏地待罪謹昧死以聞

入京待罪疏 六月

伏以臣大病未蘇僵仆度日 恩名存降力疾登途適值水潦大盛平陸成江不得已從水道下來素患眩暈大發不能運動末由趨詣 肅謝違慢之罪益所難追不勝惶恐戰灼之至謹昧死以聞

請還收肩輿入闕之命疏 同月

伏以臣不能以大馬之身先薦螻蟻反以不敢當之禮入拜 天顏哀惶震惕但有涕淚臣伏承肩

興趨闕之 命此宋朝待文彥博古事潞公以四
朝元老年迫九耄不良於行膺此異數朝野之所
聳觀史籍之所罕傳臣是何人敢當此禮臣一壽
半畫茂補新化而羸軀眇福涯分過溢朝夕待
盡況重之以稀世之榮寵其何不溢先於朝露也
伏乞 聖慈亟收異渥以安愚分不勝幸甚臣無
任兢惶戰灼之至謹昧死以聞

不能檢下請速 社稷都提調疏 七月

伏以臣本昏庸加以老耄凡百人事不得省察虛
帶官銜實同行屍以此本職及兼帶提調之任累

次乞免未蒙 許遼尋常愧慄今聞 社稷署察
奉許璉猥褻不謹至被廷尉問臣聞古者下官不職大
臣之罪不能檢下難免其責乞不勝俟罪惶恐之
至伏乞 特遼臣無帶 社稷都提調之任以盡
肅然警惕之義公私幸甚臣謹昧死以 聞

謹天戒順人心劄 同月

伏以臣伏聞今月十有六日癸酉太白見於日下
嘗聞太白西方之氣其出主兵喪星事凶悍非人
人所可知亦非所敢言但以前史所驗推之實為
可懼 大行王之日連歲有此變凡在人心莫不

恐懼至於今年卒遇大慙舉國縞素哭聲震野上天示警厥有明徵不知今日復有何咎而垂象至此也老臣不死幸霑新化每聞德音感動怵惕思見德化之成恐有一事一言之或拂於人情以玷出震之明耿耿此心天實監臨臣聞天以陰陽二德寓在政刑示人體行故王者日食則修德月食則修刑各以其類應之星辰有變其所修之道亦不外乎此星變之應似當允出於茲夫罰不當罪何事非尤然而人臣之抱至寃莫甚於正言獲罪上天之怒人君亦莫甚於罪正諫之臣從

古以來指不勝屈惟我 大行大王勤於敬天察
於理國求言猶恐不廣改過猶恐不吝當怒者賜
之以和顏逆耳者聽之如遜志二十年来仁聲惠
政溢于簡策群下之心孰不欽仰適有李應著者
職在言路不量其身之微感荷不世之遇一上封
章重觸 天怒投畀絕域二千餘里嚴霜積雪死
在朝夕遠近聞之莫不傷憐 大行王亦必有悔
心之端而特未下成命也至於李敬輿至誠愛
君洪茂績沈膺之遇事敢言非但其言之不當罪
其心之為國無他舉世無不言之無不惜之者也

大凡王者之政必先於順人心監於人心之如何
而天意可知竊聞近日上書者皆指此數人為言
人心之所同於此亦可見也當今諒闇伊始萬幾
兼至固知聖上哀疚之中增以拂亂而臣伏見
天心不豫譴告不息實不知所藏怒者果在何地
不勝私憂過慮之至妄陳瞽說惟聖明垂察焉
取進止

辭職劄

八月

伏以星象示警久而不止人心危懼罔敢知于茲
殿下孝思哀慕之誠可以感動於上而猶有不豫

之色夙夜憂民之心可以無拂於下而尚有蓄怨之意求之于內而未有也考之于外而未著也不知將何修而可弭也臣聞人可欺惟天不容僞人君之政莫大於論相人主不能明視審察用虛名無實之士置之相位是謂視不明厥罰陽氣衰而星辰晝見天鑑孔昭以警 殿下可懼之甚者昔子韋告景公熒惑守心可移於相臣以不肖無狀濫膺 天寵自取顛覆用塞天怒則豈非幸也哉然深遠難見古人有言伏願 殿下於保護之道勉從群言以達下情亦須申飭守邊之臣毋忘枕

戈待朝之志不勝幸甚取進止

敦諭後辭職劄

同月

伏以臣危衷所發言不知裁比日哀籲重觸宸
嚴自顧分義甘伏刑章殿下憐臣老耄曲垂慈
仁至遣近臣開諭諄切臣雖木石寧不感激請
試陳之臣之疾病實非偶然昔自山城流落嶺南
遭遇時變不敢自齒於人竄身荒谷無所寓懷或
取涼嵌竇或濯熱水際或夜息陰崖恍惚與鬼神
相見人多疑臣不復成人當此之時潛銷暗鑠者
已不可紀無何數年之間又作異域之行彼之所

以待臣臣之所以自度十分無一生理幸賴我
大行王天地父母之德殘魂餘命獲返故國因此
痿症極重又自丁亥以來仍添類中二人扶掖不
能移臣一足氣盡力竭其苦莫狀此衆人所共見
如此而尚可復就於陳力之列乎且聞近日北使
繼至臣義不與同堂揖讓左右周旋伏惟 聖明
亦必俯諒也臣之不能久玷朝端於此益決矣伏
乞 亟賜鑄免俾得退守桑榆保全晚節無任懇
祈切祝之至取 進止

論吏曹判書沈諮劄

同月

伏以臣伏見 殿下自即位以來孝思通于神明
精誠感于上下大豐之驗適當此時人情欣欣以
為太平之治庶幾復見夫何近日 朝廷不靖之
端乘時兆見至如草野猥雜之徒借名投疏以窺
俯仰有識之士莫不寒心蓋由銓衡用人不得其
正漸至壞亂也夫東銓政本本亂而末治者未之
有也竊聞東銓長沈諮以 累朝舊臣受國重任
不畏公議專用私情其一家子弟有相避之人公
然除吏不止一二旁觀者惡其專輒奔競者藉為
口實 聖明在上豈容聽其自恣以墜憲章也臣

實痛之如臣聾聽尚且如此四方紛紜何可勝紀
臣老病退歸朝夕就木五十年同年之交不欲以
駁議招怨而臣若不言重負國恩敢陳所聞取
進止

病未陪往

山陵辭職疏九月

伏以日月驚過山陵迫期臣民罔極之懷於是
益切臣忝居大臣之後禮當躬詣玄閭少展送
往之誠而素患脚疾今成腰痛寸步之內不得自
致匍匐康衢永結終天之痛罪在罔赦罪在罔赦
伏乞 殿下洞察臣老病之狀亟命鑄削臣職

以申邦憲以正臣罪臣不勝瞻天望聖泣血哀
隕之至謹昧死以聞

請寢陵幸劄

同月

伏以山陵會下聖志堅定百官有司莫不仰
體萬一殫心奔走庶冀天地降祥百神垂祐以感
應我殿下之至誠夫何天意慤懃不已日出變
異顯示陰氣干陽之兆臣誠愚惑罔知厥由臣聞
聖人之事天也無一念不盡其敬無一事不用其
誠雖在哀遑罔極之中未敢斯須弛也昔子貢問
喪孔子曰敬為上哀次之今殿下居喪之禮哀

則至而散或不足以致上天之警告斯臻欲知上天之心當於下民見之矣今者三都監必誠必慎之道無所不用其極而敦事之臣未免或過於侈多傷民力者殆不可一二計大事未訖又值客使之狎至飢寒困頓之民竭盡心力日夜呼籲於道路以撼上天之聽者庸有旣哉於此之時而陛下將親率群臣從以百役之民一日之中遠涉百數十里之地其間豈無上拂天意下貽祖宗神靈之憂於人所未覩未聞之地也目今訛言屢騰萬目駭視皆以為不測之變近在朝夕聖德雖

廣尚未普洽 仁恩雖布尚未深入伏願 殿下
臨深履薄日加一日予以答皇天仁愛之眷予以
副 宗社付托之重 勉從廟堂三司之請亟寢
陵幸以待後日 國家幸甚臣民幸甚取 進止

老病乞骸疏 十月

伏以臣積年痼疾漸入膏肓一身四肢已廢其二
欲思補効望絕陳力 累朝恩遇此生永負臣之
情事孔悲且哀即今 山陵甫畢大事稍完如臣
無用分宜丘壑伏乞 聖慈曲垂憐愍退之以禮
俾蒙帷蓋之 賜臣不勝禱 恩戀 闕感激流

涕之至謹昧死以聞

請還收給祿之命同日日出在東郊時

伏以臣伏蒙 恩休暫息郊垌棄榆稍暖寒疾無
加祝向春明感戴固極第臣日夕瞻注松楸在望
曾未半歲若隔三秋欲就丘壠少伸霜露之感而
亦不可得只自悲涕而已且倉官稱以上命載輸
祿俸臣立朝無涓埃之裨將來有退去之勢復費
國廩實所不敢伏乞 聖慈憐臣疲劣難仕之狀
許臣優游自遂之計 特為還收給祿之命以安
愚分不勝幸甚臣無任兢惶激切之至謹昧死以

開

請令文武大僚各薦可堪將領者以備緩急

劄十一月

伏以天災疊見邊備多缺今日之事殆不堪其憂
臣竊聞近日叨與武選而不解破的者頗多名填
砲籍而未曉藏藥者皆是平居若此臨急何用沈
穢獨智之士埋沒於行間巧辨善毀之流每出於
人先宜乎高才之抱屈而毅夫之飲恨也臣素與
諸弁相踈老而聞見亦絕未能舉一千城之材後
一熊虎之將 殿下試令文武諸臣各薦智勇兼

備之人無許自薦試其所長如有謀略邁倫膂力
超等技藝絕人者擢授顯任以示聳動之舉勿論
門地高下容貌壯弱惟務得人勿限畧額若其恟
於勢力溺於貨賄牽於情面實事誤國者明法之
下終難免誤薦之律矣但末路之人毀譽顛倒風
聞之際虛實相半夫謀事在智成事在命此又不
可不察也臣短拙荒守愚妄竊未聞公議一言
出口必被譏訕固知無所補益妄恃 聖明脩察
一得敢此塵瀆取 進止

論吏兵判用人之失割 同月

伏以臣聞昔者孟子謂齊王曰將為巨室王必使
工師求大木工師得大木則王喜以為能勝其任
矣匠人斲而小之則王怒以為不勝其任矣夫國
之用人亦猶是也不勝任者在所已之竊聞近日
人言籍籍皆謂銓曹用人不合公議至發於白簡
為銓官者亦安得自安而已乎彼長官者素稱忠
實庶簡同朝之人所共知必無苞苴請托之累而
直以藻鑑不明過信人言以至於此其情可恕而
其實難掩合有早處以清賢路且臣頃於 榻前
敢陳不貲臆吏以保良民之說 天聽似有俯採

之意曾未浹旬遽下金汝水定配之命政官又以前兵使安澈擬諸提管至於蒙恩以為貪汚善事者之勸由此觀之廉吏不足貴而貪官真可尚也朝廷之好惡已定而區區老安之言正犯時忌臣不勝慙赧赅舌屏蹙之至取進止

請留前都憲金集劄

同月

伏以臣竊聞前都憲金集今將乞由退歸臣不勝缺然歎惜之至昔唐尚書右丞孔戣致仕退去吏部侍郎韓愈上疏請留曰戣年踰七十精力不衰憂國忘家用意至到今日在朝廷如戣輩不可多

得不宜苟徇其去不留自助也臣伏見金集儒門
宿望光成端亮士林莫不嚮仰爭喜聖明得致
同朝久留旅邸疾病乘之陳情請歸臣亦以為不
宜苟徇其去以補新化也殿下舉於朝中新
得太宰臣素知林堦之為人想其雅志方自踧踖
不欲居士林所宗前輩長者之前舜命九官濟濟
相讓殿下方興唐虞之治堦豈不欲追伯益之
後塵也第爵秩不侔必以是為難也臣老病昏憤
義言無章不勝區區憂國之心敢陳所懷取進
止

乞暇掃墳疏 十二月

伏以臣之衰老與病日甚自入今月尋常人事專
不省識至於陪 祭問安之列多不得進參罪戾
日積晷景日邁死期漸迫慚悽徒增若過一箇月
臣年八十有一生前請暇一上父母丘壠臣之志
願畢矣草木回春霜露頻繁寢驚夢惕情不自勝
伏乞 聖慈俯察微悃 特丐長由俾得省歸
天恩罔極私情幸甚臣不勝兢惶戰灼之至謹昧
死以聞

病中陳情疏 庚寅正月

伏以臣自前月之末舊疾益進前夜之中恠症疊
發全昧人事末由更進 隨庭瞻望 宸威一心
百結有淚盈席竊念即今天開地裂時序大變而
民情趨向未聞大異於前訛言日興愚智同然政
事踰今之間未免重拂於公議其難安之狀可震
之勢比若立足於枳棘之中寄跡於冰泮之上未
知國事之終如何也伏願 殿下奮發大志日新
盛德以勇負 祖宗付托之重臣民顙望之切臣
將朝夕溘然永辭 明時不能更有所齎竭披瀝
徒自憂惶憤懣俯仰憂憂而已謹昧死以 聞

辭祿疏
同月

伏以臣病卧經月頓無起動之勢竊伏聞因戶曹
啓辭有祿俸輸送之命不仕受祿義所不敢臣
不勝惶恐未安之至伏乞 聖明還收成命以安
愚分臣人事昏倒謹昧死以聞

陳情乞退劄
同月

伏以無狀老臣喪失庶恥七十既遐八十復進蠅
營狗苟被人賤侮名為感激 洪恩其實自剝其
身也小人有心識者先觀區區心曲安敢自飾也
然而臣有大不堪之疾病又遭大艱虞之形勢此

則亦必有恕其一二者也臣本無尺寸之長可以
仰裨聖德之萬一又乏絲縷之細可以有益於
時務特以累朝舊物名忝遺籍置諸大臣之列
時賜顧問所以踴躍佻欲退未訣者也目今
國勢日益危急臣病日益危苦而右相以言不行
引退左相又以改葬之服受由久退領相獨賢身
當衆務雖曰年富力強若大厦之一木又安可獨
恃也即聞自上將有山陵之幸晚有不幸敵國
之使不失前期照翩狎至而微發軍兵屢日不散
萬口訛言乘時煽動廟堂無鎮定之策將帥非禦

衆之才安危之機動於呼吸 國家之危不啻岌
岌乎殆哉臣不知此時將如之何也雖然臣久病
之中思慮昏亂有此妄發非必有此事亦不可謂
必無此慮也伏望 殿下召而不校之良弼並任
剛大之賢輔 亟召負士望之重臣使之同寅協
恭以濟 國事先退無所用之老物以清朝端國
家幸甚愚臣幸甚取 進止

乞骸疏

五月

九日入京退歸

伏以臣疾病沉痾筋力柴盡分當退歸而近日又
有不可留之勢陰陽操縱顯示抑揚倘或遲回必

將辱及同朝可勝言哉可勝痛哭伏乞 聖明特
垂萬照早 賜骸骨俾得歸死父母丘壙之下臣
結草殞首終始永肩竊不勝懇祈切祝之至謹昧
死以聞

病未詣 闕待罪疏 初十日

伏以臣昨日忝承 聖教感激罔措臣一出國
門勢難再進瞻望 宸極但有涕淚臣分當忍死
趨 命以謝 天恩第臣筋力柴盡乍經勞竭若
無再生之望四體委頓寸步須人區區之情未由
有遂臣之罪戾於是益大死無所容伏願 天地

父母曲賜諒察不勝惶恐戰悚之至謹昧死以聞

請帝本職及兼帶還收給祿之命疏同月

伏以臣百疾沉痾四肢不遂目不能視耳不能聞
口不能言食不知味寢不著睡昏昏如醉長委枕
席至今生存臣實恠之當此國家多事之日非
臣子辭病之時而事勢如此前頭殿最不遠伏願
殿下俯諒危惻臣本職領敦寧府事及兼帶社
稷署司譯院都提調並命改差以便公私不勝
幸甚且臣伏聞聖教以臣久病在鄉之故除出

田稅月給祿俸臣誠惶恐感激之至即今旱災太
甚田野之民盡為飢荒朝夕遑遑國家尚難賑
救如臣無狀世沐恩波無補涓埃追安因廬受
賜已多況敢以丘壑之腹苟竊縣官之粟以重其
罪戾乎更乞聖明察此至情亟收成命臣謹
昧死以聞

辭祿疏七日

伏以今月十四日自本州輸送米豆稱以秋三朔
祿俸臣病廢田間義當納祿不宜濫受分外之
賜以重罪戾也臣於去夏猥霑異數敢陳區區

之誠未蒙 察納特下 先朝舊例之教茲乃國
家優禮賢臣之事非如老病菲薄徒積犬馬之年
側跡耆社之列者也况今天災已甚屢勤祈禱豐
年未卜百姓遑遑前頭貯財卹貧之舉尤當汲汲
不可濫施於不當施之地重使公私失望也伏乞
聖明俯察微懇 亟令還收每等祿俸賜給之命
以安愚分不勝幸甚臣無任激切屏營之至謹昧
死以聞

乞致仕疏 同月

伏以 三朝舊物老病不死耄耋餘生尚掛齒頰

苟保官爵羞對人面臣自前年來精神日益昏忘
氣力日益漸盡視聽俱廢手足盡痿又自去夏再
得中風聲音悶塞飲食失味委身枕席便溺須人
辛苦之狀實爲可憐加以今年暑熱近歲所無強
壯之人亦皆病傷如臣尪弱得免死亡亦是恠事
以是所忝本職及蕪帶諸司提調緣臣之故並廢
殿最此舉朝諸臣所共見而知者况敢效年少浮
薄之徒主張朋比之論乎臣退伏松楸去父母丘
壟近在咫尺朝夕之間死期將迫伏望 聖慈特
賜骸骨許令致仕使臣生蒙不貲之恩死被稀

世之 寵臣無任瞻天望聖感激流涕之至謹忍
死以聞

再疏

伏以臣之篤老不堪驅策 聖明洞燭既已許退
田廬臣涵泳 聖涯無所報荅惟日夜向闕申
頌而已只以貪戀 累朝厚恩不忍永辭爵位遲
遲之行被人譏罵損壞體面貽辱朝廷皆臣自取
尚誰咎哉惟當自今以往悠然而逝不俟終日以
彰 聖朝終始保全之盛德伏乞 天地父母特
垂憐愍亟許致仕臣無任懇禱切祝之至謹昧死

以聞

陵幸還宮後辭職疏十月

伏以臣自八月得泄瀉之症今至三十日尚未見
差衰年氣力日漸柴毀委身床席事事須人喘息
雖存不省人事實與枯木死灰土壤無異竊聞

聖駕親拜

山陵即日還宮不得瞻望百官羽旄

侍衛之容不勝悲惶涕泣之至伏乞

命付有司

亟正臣逋慢之罪且適臣本職領敦寧府事並

社稷署司譯院都提調之任以安愚分臣不勝激

切屏營之至謹昧死以聞

辭職疏 閏十一月

伏以臣之所患痿症日月已久漸不能運動已成
廢棄之物瞻望宸極只切戀慕冬月殿最又迫
萬無隨叅之勢慙懼罔措伏願聖明俯垂矜愍
臣所帶本職及兼任社稷署司譯院等都提調
亟令改差以遂公私臣不勝激切屏營之至謹昧
死以聞

請鑄削職名疏 辛卯正月

伏以臣之疾病于今屢年日加月增至於所帶本
職及兼任衙門殿最等事皆不得進叅典章廢墜

職事解弛罪矣日積况近日傳聞臣之姓名屢出
人口以臣之故重辱 清朝伏乞 聖明特垂矜
愍鑄削臣本職及兼帶 社稷署司譯院都提調
之任以便公私臣不勝兢惶戰越之至謹昧死以
聞

辭退疏 五月

伏以臣計日 國祥恐死入京僅叅哭班精神已
盡不得更留一日以償餘願區區之誠無地可泄
臣罪益重臣罪益重臣今將復往江上借船東還
臣今年八十有二自此以後永阻 天陛伏願

聖明益謹天戒益恤民隱以為我東方億萬年無
彊之計臣不勝惶恐涕泣之至謹昧死以聞

陳情辭職疏

同月

伏以臣氣息垂盡今已月餘朝夕之間勢將易簣
不得矯首宸極更瞻天顏感激鴻恩悲涕

無從臣立朝以來于今五十六年未報涓埃但積
罪戾此舉朝諸臣之所共知但不以陰忤實懷私
怨害人此則臣不敢秋毫自飾以欺天日且臣
虛帶官銜久未解釋前頭殿最又迫臣本職領敦
寧府事及所兼社稷署司譯院等都提調之任

并乞適免以便公私幸甚臣無任嚙 恩德伏
地流涕之至謹昧死以聞

遺疏

伏以臣本庸姿幸蒙 累朝之恩獲躋崇班茂效
涓埃徒積罪戾丙丁以來絕意仕宦中更禍患備
嘗艱難不意 先王起之田廬致于台司感激
恩命黽勉一出而積累餘生無望陳力退伏松楸
沒齒為期逮遇 聖明過被殊渥衰朽之質報答
無路區區之心只欲明揚士類振舉綱維以衛
新化之萬一不幸事與心違志未少伸辜負聖

德狼狽而歸疾病憂傷轉輾沉痾及至今日大命
垂盡再覩天顏此生已矣瞻望宸極祇增陰
結伏望殿下益礪初服之志不啻好賢之誠登
進善類以出治道克脩實德以恢大業丕基我東
方億萬年無彊之休則臣雖在九原庶無遺恨臨
簣氣短不知所云臣不勝嚙息戀闕泣血馳
情之至謹昧死以聞

清陰先生集卷之二十三

啓辭

十四首

鄭仁弘誣詆兩賢時政院啓辭

辛卯為
永旨時

臣等伏見右贊成鄭仁弘劄子以先正臣李滉嘗
言其師故徵士曹植有病痛處及故徵士成運只
稱清隱皆不許以中道因此發憤至以誣毀愚弄
等語加之摺據他事詆誹攘奪無所不至并及於
先正臣李彥迪其視之有若仇敵然噫仁弘之為
人自少人多病其褊滯今於垂死之日乃發此言
豈其老耄昏謬之所致也仁弘欲推尊其所師所

尊以顯於後世而實不知其所以尊之之道不在
於過為稱義反招後世之譏也夫自古大賢雖以
夷惠之近於聖者猶不免隘與不恭之病蓋中庸
之至德非聖人莫之能也李滉與曹植並生一世
又在同道而所學所尚之或異出處進退之不同
雖未嘗往來相從而許其素節取其高尚者則夫
豈淺淺也故其書札中有曰吾與之神交久矣又
曰素所慕用之深又曰當今南州高士獨數此一
人論成運亦曰清隱之致令人起敬惜時人不甚
知其高耳然則當時知成運與曹植者莫如李滉

也惟其不欲虛辭溢譽以徇人而輕許也仁弘必
欲推而上之以躋於孔孟程朱之列而後為足夫
人之造道自有淺深高下之等又有氣稟之清濁
所學之醇疵中行狂狷自我為目豈他人所能強
推而上之哉李滉之論不過如此非有私意之蔽
惑而仁弘反斥為誣毀至以李鄭之毀孟子揚雄
之論顏子比之不亦異哉先儒稱伯夷微似老子
又云濂溪拙賦似黃老此只言其一畧相近處亦
可謂之誣毀伯夷與濂溪者乎夫誣毀云者小人
猜忌善士摘其所無之過有意讒害之謂也仁弘

如以李滉與其師有不相喻處而為此不足之語
云則容或有之乃於本情之外自做不近之說敢
告天聽其亦不知自歸於誣毀也且仁弘又謂李
滉以曹植不仕為非中道云者尤非李滉之本意
也李滉嘗銘故徵士臣成守琛之墓曰可往而可
返不偏而得中其不仕非無義也云則李滉之意
果以不仕為詭異之行乎若李彥迪之為學李滉
嘗稱其天資英悟自然近道持敬功深非矯而為
之本之於身心性情行之於家鄉邦國著書之言
闡吾道之本源闢異端之邪說貫精微徹上下深

玩其義實非有宋諸賢之緒餘而其得之考亭為尤多求之東方鮮有其倫至其立朝進退忠誠懇惻終始一致又曰推尊先正雖務極贊揚然亦當從其實而言之不可捏虛誇能而為之辭以欺後世也其言之不苟而可質如此蓋我東方自仁賢之化既遠其學不傳至熙朝文忠公鄭夢周始倡義理之學逮入我盛朝非無豪傑之士有志此道世亦以此名歸之者而其真踐實履粹然無雜繼夢周之緒為後學師範者實文敬公臣金宏弼文獻公臣鄭汝昌文正公臣趙光祖及李彥迪是

也至於李滉則有加焉講明先儒蘊奧之義開發
後學顓蒙之陋窮格之功老而彌篤真積力久其
所造詣實非末學後生所可容易形容使一世之
士皆能正其趨向知尊理學而黜異端者果誰之
功歟謂之東方朱子誠不愧也凡此五賢臣學問
之醇道德之尊自朝廷縉紳下及草野章布嬖孺
之無知馬卒之微賤亦皆聞風而景仰從祀之請
蓋將四十餘年而適值我聖上快從公議亟行典
禮咸以獲觀盛舉為不世之幸不意今日乃有此
媚嫉之言也夫舉國之人不謀而同辭者是謂公

論五賢陞享夫豈一二所好者過為稱譽推而上
之者而乃謂之時尚乎觀其所言決非和心平氣
之談而乘怒肆忿故舉他事有若脅持恐喝之為
也臣等初欲一言以辨而伏想殿下洞察其言之
不倫不中而斥去之以示尊賢尚德之意矣封章
之入今已屢日尚無明旨之降士林痛心輿情懷
鬱臣等忝在近密不能終嘿敢此陳啓

大司諫辭免啓辭

甲子

臣性本狹隘才本凡短學又不講志又不立狹隘
故與物多忤凡短故任事不效從前尸素只招譏

謗第緣家有老親苟以榮祿為悅貪冒匪據不能
自退今臣不幸親亡身老且多疾病不講者日益
鹵莽不立者日益頹靡孤露人間萬事無聊榮進
之意全消愧恥之心頓增居閑畢命是臣至願幸
遇聖明御極萬物咸覩世祿之臣義難便決強
顏名班非臣素情況此諫官之長責任尤大環顧
自量百不近似若一向避退則跡涉逋慢欲冒昧
奔走則罪重懷曠臣誠憂懼不知所出伏乞聖
慈俯察微悃亟速臣職以授可堪之人俾臣得守
分散秩庶免悔罪以盡明時保全臣下之道公

私不勝幸甚

請還收並遞憲府多官之

命啓辭

甲子

憲府之職在於伸冤枉禁濫偽世治則居官奉法而無濫枉之事世亂則阿諛承順而致危亡之禍其使之然者皆由一時人主所導之如何耳向來十餘年間諸官橫恣風憲掃地萬姓冤號天命乃墜此孰導之而然哉詩云殷鑑不遠在夏后之世廢朝即今日之夏世也夫同利相趨同惡相濟自然之勢也新本官下人廣開求利之門而防納僧人如水之流濕互相符同飾辭欺罔圖出印文托

稱內旨撓害外方歛怨歸國此乃慈殿之罪

人也渠輩情狀既已發露抑枉者在所當伸奸濫者在所當徵法府之請囚不過思舉其職耳殿

下何為固執不許而終至於斥退乎設令慈殿

有所致疑殿下具以臺章所陳明白上達則以

慈殿之仁明必怒下輩奸濫之狀而反下治罪之

教矣雖或以先入為主不即釋然猶當反覆熟

啓期於允許毋使慈殿坐受遠方愚氓之怨

是乃聖孝之至也如徒曰事涉慈殿不可行法

則豈所望於殿下及慈聖者乎昔漢文不以

太后故廢法於薄昭而能盡人君之孝道哀帝牽制傳太后不能明治輩宏輩諂諛之姦而卒致漢室之衰亡於此亦可鑒前世治亂之迹而為可法可戒之則也臣等尤有所深歎者本宮下人欲利之心能感千里外山僧非道相合牢不可破而殿下求治之誠臣等願忠之意反不能交感相孚以么麼微細之事三司共爭至於如此而天意愈邈慈聽難回陰私破公邪道敗正未知國家之事終至於如何可為流涕者正謂此也伏乞聖明亟加三思毋靳一俞快許還收憲府多官並

帝之命

政院請遇災修省啓辭 乙丑都承旨府

臣等伏見頃日金羅監司李鎮忠清監司尹履之
狀 啓金堤丹陽等郡雹災甚酷繼而見慶尚監
司金緻咸鏡都事李宜浩等狀 啓則兩道亦俱
被雹災而安東等官四邑損傷禾穀尤甚慘酷此
非但目前民事之可慮也臣等竊念仲夏為正陽
之月陽氣極盛王者體天行政門閭禁閉恐時氣
之不宣關市毋索慮政令之或苛至於寬恤重囚
而益其飲食別置騰駒而止其跽齷使萬物羣生

無不遂其長養之性若於仲夏行冬令則雹凍傷
穀暴兵來至此逆天時致乖氣之驗也臣等不敢
知今之政令有何所失召此變異而傷穀之灾既
甚暴兵之至可懼伏願 殿下益嚴寅畏之心更
盡修省之道順宣陽氣排抑陰邪行寬大之政戒
暴急之征存陰雨之備勅邊圉之事被灾各邑量
蠲民役以示敬天恤民之義臣等職忝近密區區
愚衷不敢不盡

大司諫引避啓辭丁卯

虜馬深入 宗社蒙塵城下之辱所不忍聞臣奉

使阻滯不即歸赴國難罪當萬死且臣在京裏
三月初四日詣闕將行欽賞謝恩之禮至東
長安門守門閹寺要索土物傾齎應副猶不滿意
再三跣蹙不許入門徘徊良久致延時刻纔到內
庭未及進班至被糾班御史察奏雖蒙皇上恩
旨免究而臣之奉使無狀虧失朝儀之罪合被重
譴不可一日在職請命罷斥臣職

政院啓辭

丁卯都承旨時

因備局啓辭胡中出來漢人孫有蒼等六人皆
是姜弘立自初親信之人願同處資活云依願許

送事 允下矣臣等竊念弘立存諸降將中最彼
愛重於新故奴酋至於給事數百人馬畜彌山可
謂極富貴隆盛矣不知弘立為奴酋獻何奇策立
何奇功而受此報也然此不過非教犯 天朝即
教犯我國方其在奴時我國不能制其死命逮至
今日豈可復任其安享富貴役使漢人與在奴時
無異乎況奴之多送弘立所率之人其意不無探
試我國處置之如何當初不為斥還人清猶以為
未安今又曰漢人等有言許令弘立同處豈不為
處置之再誤也設或許多漢人得聞此事皆言與

弘立親信則將孰從而孰違乎此事處置失當所
係匪小請 令廟堂更為議安俾無未盡之悔

政院啓辭

姜弘立復其官爵令該曹喪需題給事 命下矣
臣等竊念弘立受賑出境甘心降虜引賊犯國意
在菲望罪符逆豫惡甚賊潤實天下亂賊之甚者
也 國家無法正論不行 王誅未加徑斃牖下
神人之憤至此極矣今若復爵賻喪則將何以勸
人臣之忠而徵天下之惡乎 王言一下所關極
重臣等不敢捧承 傳之意冒昧仰 達

請勿以倭刀贈給胡酋啓辭

伏見下教胡人要土所求長劍必非我國之劍倭刀寬送可也臣竊念胡中回答往來之人項背相望若以私請於使臣者而輒即應副諸酋聞之爭相倣效則非但後弊無窮亦不無因德生技因技生嫌因嫌生釁之端不可不慮況倭刀異國之物尤不當分外寬給此等事始雖微細終必貽悔乞再加睿思

請勿優給仲男禮物啓辭 己巳都承旨時

伏見近日接待所及備局前後 啓辭皆以失歡

仲男逞臆構譽為深慮贈給之物猶恐不厚臣等
竊惑焉既曰仲男惡人不可不厚待則惡人之性
其慾無窮渠知我國厚贈出於畏怯恐喝之言將
無不至何可一一盡副百徒一遠同歸無益也夫
虜興兵遠攻未有小不利之事而先發講和之端
者意必有在則後雖再動別有他故豈以仲男一
言遽為喜怒而輕易敗盟也若謂仲男能解譯言
且得汗意不無居間交構之患則今此回答國
書中另具一幅槩言仲男恃惡無禮之狀且曰此
奴產出我國今其父兄猶在尚且忘本背義無復

人理如此安能終始盡忠於貴國乎劉愛塔棄母
先降自初觀之真若效款一朝背德忘恩逃入島
中戾性難馴此為明驗六則彼亦有心未必不悟
仲男雖或毀言我國彼亦不為之全信也況頃日
招見時講定禮貌也滿朝等謂譯官輩曰貴國所
言者皆是仲男所為益非云云是非天性無處不
在亦可見也伏願 聖明深加睿思焉臣等忝在
近密區區憂慮不敢不盡其愚

請下諭我國走回人勿許刷還之意轉奉旨
走回人刷還事昨因領府事李元翼獻議以待鄭

文翼與汧約定回報而後處之矣臣等妄慮此實
搖動民心之資也近因此事間巷譁譁臣等竊觀
於輿情弱者慘於顏面強者怒於辭色人心向背
決在此舉 輦下如此外方可知民間若聞約定
後刷還之語則必未知廟堂終有贖還之意而胥
動怨言歸咎 朝廷兩西之民尤為驚動其間雖
有有識之人亦難開諭脫有幸亂之徒乘時誑誘
則賊未渝盟民心先崩其禍不可勝言甚可懼也
今以寧同此結讐致兵而不可刷還之意 特下
御札宣諭中外則人心莫不感激悅喜爭欲為國

歟死此政安危存亡之大機會不可一日少緩者
也乞 留睿思臣等待罪近密苟有所懷不敢不
達惶恐敢 啓

近崇變禮請勿奏請 中朝賓聽啓辭

臣等昨日竭誠陳啓恭竢俞音而竟下勿煩之教
相顧色沮竊忖 殿下拒之之深也臣等非欲強
為煩籲以廣 天聽誠以國家大禮不容微錯君
父過舉不可忽視思究至當之理俾無後世之譏
也夫尊親之道不在於崇以爵位必事事節節盡
合於禮然後乃可謂之孝也苟合於一時而招譏

於後世者非忠臣孝子之事也 殿下撥亂反正
再安 宗社其欲推恩歸義於積德毓慶之地固
臣子之所宜贊導承順而乃為此苦口力柔者只
為創業繼體時各不同而禮隨以變聖明君已
行之跡班班可考所冀 殿下擇中而蹈之也子
思曰有其禮無其時君子不為禮所以時為大何
謂時武王光武之追尊或不追尊是也光武中興
之功雖倖創業當時諸臣皆以為不授之與自得
之異意故光武曲循其議終不追尊立廟春陵使
長吏奉祀南頓令之素貴不下太上皇之尊號後

世儒賢莫不稱義也且 殿下每以法 祖宗為
教祖宗之事有可法有不可法今 殿下正其詒
謀使永為後世子孫法則豈不于 成廟有光乎
至於禰位之闕尤 殿下之所深疑而不安者也
帝王之家繼世而立者便有子道今我 宗廟之
中昭穆燦然禰位固未嘗闕也傳曰至孝之道安
親為上今日廷臣不但求安於 聖心亦須求安
於神道方為盡忠盡孝之道也凡事順於人心然
後合於天理天理者天下人心之所同有也我國
素以禮義見稱於天下今若以非禮之禮上請

天子下求恩澤則非但大乖於藩邦恪謹之度寔
恐有媿於魯秉周禮之語也目今天心未豫災害
切迫邊圉空虛虜勢益肆逆變繼起民志未定國
之安危未可知也當此之時上下協和收拾散亂
日求讜言從諫如流猶瞿其不能濟乃反斥逐論
思之臣違拂公共之論使羣下惴惴焉莫敢正言
欲以舉國人情之所不順者遠奏於中朝後世
之譏顧不暇恤而目前之事實有不勝其憂者此
臣等所以深懷悶鬱不敢以言之不用而遽自退
去復以瞽說齊咻天閭伏願殿下更加睿

思亟寢追崇奏請之命

兩司合啓請寢追上宗號之命

壬申

朝廷議禮十年定為別廟之制 殿下之至情既已伸矣勸 殿下為此舉者其言亦已行矣不能無事每出新義始以國中稱謂為言繼以速定宗號為請禮官防啓大臣持難而 殿下皆不採納曲循一夫迎合之說臣等實未知 聖意之所在也 殿下前日以不入廟為教羣下莫不仰之煌煌御札傳播遠近曾未幾時又 下此教一裁之心豈如是數變乎自古入廟而不稱宗則有矣

未有不入廟而稱宗之禮也彼李貴之狂雜聖明之所深燭夫狂雜者之不能精思不能精思者之不可議禮聖明豈不知之而於此莫重之禮必用其言乎請加三思亟寢追上宗彌之命

大司憲引避啓辭

伏聞昨日下政院之教臣不勝悚然之至凡臺諫啓辭長官命語李貴彈文亦臣所為也大抵廟堂之禮專於嚴格臺諫之論主於直截乃體貌之當然也麤厲之去直書其氣象糾正之舉非出於侮辱况周家民獻猶得十夫之稱文字間措語豈

有深意也昔漢蕭望之為御史大夫遇丞相無禮
金安上等以倨慢不遜論劾左遷御史大夫位在
上卿三公之亞而一言不遜舉正其罪未聞以一
品之故而有所回護也臣稟性狷狹論事之際不
能隨勢低昂屢忝臺職輒遭狼狽今又妄葭致塵
嚴旨不可一日仍冒請命罷斥臣職

再避啓辭

伏見玉堂劄子 批荅不勝惶恐隕越之至第
聖教中所謂三失者亦有所以十九日議謚時臣
等亦以 宗廟疑禮收議事詣賓廳既已獻議之

後大臣問兩司長官亦為同叅乎政院吏對以前
日議謚時亦不命招去臣等即為退出若或同叅
則其時豈不具陳所見乎禮曹回啓李貴之速定
宗彌劄子也有曰 章陵雖在四親之數不入於
昭穆之中則廟號之加非今日所當論故 判付
不曰依旧啓施行而曰依劄子施行此公事尚在
臣等何敢誣也文彥博之齒爵不為不高而唐介
論之李叔蕃之功不下於李貴而臺諫請竄雖有
社稷之功若挾以驕恣則終為社稷之憂也 國
家設立臺官使之論執時政糾察百僚上自 乘

輿下至庶官苟有所違繩糾彈駁乃其職耳不言
則有咎何嘗無故慢罵為哉且臣竊念即今淫雨
過度水潦為灾道路阻絕禾稼漂沉人情不勝憂
悶 國家方行祈禱盖自議禮以來廷論多忤

殿下之怒亦已過矣羣情鬱而不通此道路之阻
絕也直士盡見斥逐此禾稼之漂沉也上天之灾
安知非警告我 殿下也 殿下惕然改悟廓開
言路收召放臣若雲霧捲而白日出則人心胥悅
天意可回祈晴之祭雖勿行可也臣今當去職區
區所懷無路更達敢為蔓辭仰干 天威一鳴當

斥輒復再鳴臣罪至此益無所容臣既被三失之
教又負再鳴之罪不可一刻冒居 亟命罷斥臣
職以正臣罪

議十四首

宗廟疑禮賓廳獻議 壬申大司憲時

云云祝文當依神主所題設今題主有欠安者當
先改題主不當獨改祝文也

世室王后祝文並稱祖妣者此雖無與題主相違
之失然 大王祝辭既無屬號不應 王后之祝
獨稱祖妣此三件事依啓辭釐正似無所妨

至於宣廟題主之異實有未可曉者戊申之初
大臣當國者如李元翼李德馨李恒福皆一時名
相而掌禮之官亦多名臣莫重廟主之題必無率
爾譌錯之理厥後兩次改題雖當奸臣用事之日
然此至重之舉豈敢無緣擅改臣以妄意竊揣之
宗廟稱謂莫重於廟號 本朝之用廟號雖非正
禮業已定制則似當以廟號冠謚號不當以謚號
冠廟號也當初釐正之意無乃或出於此耶至如
有明贈謚四字本涉可疑凡如碑銘墓誌文字本
為流傳後代雖革易之後欲使知其為某代某國

之人故題首必稱有明朝鮮廟主則異於是王者
無外春秋之法稱天王而不稱周則有明二字無
乃未安耶況於下不稱朝鮮國而於上獨稱有明
尤非宜也贈謚二字亦似欠妥歷觀前代狀志叙
述之文凡王公有國者必加謚於爵號之上如曰
某國某王公云未嘗加贈謚二字唯本國士夫題
銜有此式耳 祖宗題主之式雖不敢議其是非
然若考諸古典則未見其有據也大抵此事若泛
論事理則以賜謚先於廟號所以尊 皇命也該
曹鼐正不為無見傳曰有其舉之莫敢廢也言既

定之禮不可輒改也 本朝於 宗廟陵寢之制
豈無一二可言者然皆非今日所當輕議况神道
尚靜廟貌久安刮磨改題之舉非如釐改祝文之
比似涉重大伏惟 上裁

以禮曹叅判許啓上疏追上徽號事議 己丑

我 大行大王盛德偉烈迥出前古舉國臣民孰
無區區盡日摹天之意哉 大行大王終始撝謙
之德感動臣隣不敢請上徽稱此雖臣子未盡之
遺憾然以此書之史冊豈不大有光於追上若箇
字之義也伏惟 上裁

再議

既非先王之志恐乖繼述之義者聖教至矣
臣更有何議伏惟上裁

世子書筵當否議

臣素昧禮學加以昏眊不敢據禮仰請然而念
王世子講學果急於一日而大行大王梓宮方
在殯殿一邊開筵於禮於情實為未安堯舜之道
以孝悌為本王世子冲年所講尤當以孝悌為
先則山陵未葬前姑為停講卒哭後始為開筵
以達學問之道有所先後似為合禮伏惟上裁

刑曹罪入金之英等事議

各人等罪犯俱係重囚竊嘗聞如此等罪必須赦
中指名處決或一時有自本曹議啓者外有司不
敢自以己見遽請解釋其意豈不以在下有市恩
之嫌在法有專輒之律也今此各人之事初無
自上特判之教而該曹先自請釋有違法例似難
輕施伏惟 上裁

山陵發引時 陪行議

自九月十一日發引至同月二十日 下擇宮其
間日子頗多 自上發引時哭送於郊外至永

藝前一兩日 親詣山陵會下 擇宮以伸 聖
上罔極之情允合情禮况今四方無警農功垂訖
似無防虞之事在昨 上裁

再議

聖孝天至思慕無窮既將陞行 山陵又欲屢日
駐駕以伸罔極之情此孝子之至行而曾閔之事
也凡在臣民孰不感動但念百里之外不為近一
日萬幾不可曠若至經涉旬日 太廟神靈眷眷
之心必不少釋 王都萬姓喁喁之情靡所不賴
至於意外之變雖非今日所慮古之善圖國者亦

未嘗暫時致忽 殿下何不深思于此而輕為久
留之計乎臣雖至愚決知其不可也伏惟 上裁

八道民弊變通議

此國家初政大更張大變通事也其利害便否不
可不十分商議而處之雖曰民生倒懸之救當如
救焚拯溺而若有窒礙難行之弊則必有藉口以
資不悅者之謗前日已往之弊亦可監也稍待數
月 亮陰後從容面稟定奪以當伏惟 上裁
大司憲金集喪禮異同議

臣竊見金集所進古今喪禮異同一冊攷據頗詳

可謂老師宿儒世傳專門之業也臣少而孤陋老益眊矓未嘗與於白虎聚訟之會常負愧於叔氏汰哉之誚今當莫重議禮之地舍舊圖新之日安敢偕有所陳以重其不學妄論之過哉試嘗管窺不能無所疑蓋古聖人既不得見古禮又多放失故後儒不得已而以義起著之於書曰禮從宜亦猶讀大賢經制之言曰不屑屑於既往之跡能不失先王之意者也生乎千載之下欲行千載上所未行則人情必不能無疑是以古亦有三王不同禮之說且如重周道也至後世結白綯為之初喪

告廟社之禮通典聚群廟之主藏之祖廟夫易帛
為重至易事聚群主於祖廟禮之重者也尚不能
便行古道古今大小禮文之不同者何限自祖
宗朝以來著為五禮儀擬以為一王之法雖不知
允合於周公之禮然間或改其一二最不安者而
至於先王之世舊俗所傳禮文少異而可以通行
者則不能盡變者亦有由也今若姑就其明白可
從者行之而其他徐待諸儒畢會熟講而審處勿
至有悔似當伏惟 上裁

哀冊頭辭稱謂前世所稱皆似未安議

哀冊中稱謂乃詞臣奉 教製進之文稱以孝子
孝孫似不合禮但曰惟我 主上殿下為宜伏惟
上裁

以左相劄子都監舉物勿用大段事議

遵 先朝之遺制革今日之弊習昭 大行之儉
德揆之情禮實為無欠伏惟 上裁

返虞後別行安神祭與否議

返虞後只哭拜而退為大略者常情之所發也古
禮及五禮儀並無別設安神之祭者先王已定之
制也祭以常情與先王之定制則似無難斷伏惟

上裁

科舉講經事議

設科取士欲得明經之士而近世謬習但事口讀全昧經義雖占科目反為人嗤點者多矣皆思變通之舉而祖宗舊例猝難輕改今見左相所獻劄論與臣之淺見相同但四書三經之外增加他書恐不合於人情且於臨講之際不無哢哢情外之言莫重科舉之事是不可不慮惟在上裁

宗廟祭享犧牲變通議

辛卯

臣經年病廢人事昏霧議禮大事不敢與議而今

此下教出於特詢一息尚存不敢終嘿矣大抵
先朝制禮至敬至嚴竊伏聞如文昭延恩殿常
時祭享之物或有用非時薦新之物而至於杜
稷宗廟之祭必用預先所養犧牲未聞以有弊代
用他肉也代用除弊者若齊王之釁鐘宋仁宗燒
羊忍飢之類係干祖宗常享之禮則似不可以
他物代用也禮云有其舉之莫敢廢也伏惟上
裁

清陰先生集卷之二十四

碑銘十首

判中樞府事徐公神道碑銘并序

藥峰徐公之食蓋當我宣廟盛際于時朝廷
最多士而論年以後進有文武才為國儲胥者指
無先公屈焉後值艱難數更中外聲實相當世又
論文武大臣負荷棟榦者公必在其中意公步武
揆庭而不幸遽歿後贈命始用常所期公者哀
榮備矣士猶以用公未究為恨於戲收渙為萃振
弱為彊俾世道終免為泄泄莫可捄者謂不繇天

非也公安得究其用哉謹按公諱渚字玄紀自號
藥峰大丘之徐自高麗顯遠祖閑郎將六傳而有
判典客寺事益進是生義戶曹典書生彌性入

我朝為安州牧使生居正以文章名世秩登貳公
勲封達川君益稱為大家有兄居廣縣監於公為
高祖生掌令彭召掌令生叅議固仍父子文科考
諱嶰 贈議政府領議政娶郡守李股女故宰相
原之後生公於嘉靖戊午少孤養於叔父司藝崦
不煩提誨自勵為學執業日進司藝歿心喪三年
過毀善病然益湛淫於墳典未嘗一日廢書丙戌

登文科權知成均學諭授仁川府教授人皆以為
屈公夷然不屑見者器之久之選入史館為檢閱
待教奉教轉典籍司憲府監察改禮曹佐郎又改
兵曹時為曹長者知公才一以曹事委之諸所難
經公則舉同僚縮手憚伏壬辰倭寇逼京城扈
駕西幸號召使黃廷彧請為從事至咸鏡北道廷
彧等與兩王子俱陷賊公獨以計得脫起兵授
評事鄭文孚連破賊報捷讓功不居赴召入
行在拜持平改兵曹正郎直講濱接劉提督綏聞
叔母宋喪欲如喪司藝公乞解官劉方喜得公咨

請勿許至堅懇乃聽甫畢復拜持平改直講以御史巡按三南彈墨帥舉隳綱耳目肅然公念君父播粵生民魚肉國事且不支益自慷慨許以身殉國上書陳戰守計宰相竒其策急欲嘗公交口推公才以當一面超陞濟用監正擢拜慶尚監司臺諫論已驟改授內贍寺正亡何分嶺南為左右道以公為右監司脩岳堅故城建祠祀新羅死事臣激勸士心遂屹然為金湯任滿又加數月八拜同副承旨改兵曹參議兼備邊司承文院副提調特拜江華府使未赴改江原監司撫摩凋瘵士女

避倭徙者皆授廬下殮謳謠交道去後刻石頌德
還拜兵曹改承旨序陞都承旨已辭授僉樞改兵
曹再僉劉將遼浙兵相爭將搆亂劉用公說迺得
解加階拜黃海監司案牘不勝繁自公至淨若洗
滌移拜咸鏡監司為忌者所厄仍畀前節公辭疾
退居已拜戶曹叅判未至改平安監司平壤徭賦
故無準奸吏從而為蠹公一切剗革停而劑之民
大悅任滿還都承旨侍 經筵伸救漢陰白沙二
賢相斥鄭仁弘之徒誣毀成牛溪鄭松江者 上
意怒甚左右無敢一言及退尹相承勲迎謂曰吾

今日戴慚見公

詔使顧天峻崔廷健來公終始

周旋無失儀

特陞漢城府判尹兼備邊訓練提

調及管提府舟師等任改刑曹判書又改兵曹辭

還知樞出為咸鏡監司時公年四十餘益強於職

所轄郡邑南北數千里窮邊遠戍無不親歷有所

規度不難時忌胡部忽刺溫驟強殺邊吏逼我境

公建請討之兵使金宗得勅數退師言者以出兵

咎公坐罷未幾叙還知樞兼知春秋館事改戶曹

判書又兼知義禁府事歲餘有脩民免流孳已拜

京畿監司任滿還知樞

宣廟薨視作斥上加階

拜右叅贊尋坐陵工不固罷改明年叙還知樞
改工曹判書還叅贊副大臣體察諸道軍事已拜
開城留守濕束猾胥爬搔垢弊益僚俸振文事民
善其政碑于大達還知樞改叅贊時有濫獄駕公
奪職復叙知樞及癸丑禍起奸黨有嚙公者必欲
害之再逮金吾配丹陽徙寧海又移原州在謫十
一年不見遷客態閉門玩易人叩質疑難應之不
倦癸亥今上反正起拜刑曹判書入對陳戒皆
古大臣言昏朝橫枉求理者蝟集剖斷立盡各目
得意去拜大司憲兼經筵成均事論故相韓孝

純黨奸廢母之罪追竄其諸子孝純極房近戚人所忌憚而公痛斥不顧聞者快之李适叛爭勸移蹕公獨奮諫上母動請自往募兵不能用駕至天安復拜都憲倉卒朝儀紊亂公語攝之賊平用扈從淑問進二階拜判中樞改刑曹又改兵曹前後武選請謁不行上嘗於經筵論孟子義兵之說公因推衍其義謂虜若犯關我國當悉賦赴難以伸君臣之義上大加稱獎及劉興治叛殺陳繼盛上欲問罪朝議難之公力贊出師已辭還判樞丁卯西虜猝入上幸江都公奉宗

廟隨往虜要盟公屢建固根本嚴軍律備海信防
三縣等策毋專恃和不省後乃稱著龜主和者畏
虜聽還我歸正人公爭不得已判金吾治戊辰逆
獄加崇祿大夫屢改宗伯知樞輒病告上遣醫
問疾賜內劄至崇禎辛未四月十八日卒春秋
七十有四上輟朝二日命吊賻祭贈領議
政易名忠肅禮也其年六月乙卯從葬抱川縣雪
雲里癸坐之原夫人宋氏祔公幼有奇質及壯風
神峻茂美鬚髯目光炯炯射人性伉健有萬夫不
奪之氣信心而行不骫骳徇人其所不取雖貴臣

要人無少屈色其所許與雖邈然後進獎待無間以故人皆嚴事之而又樂願為交生平不以事干人亦不受人私常曰安得一世事纖鉅井井乎每論國家利病善談論饒籌略纚纚若貫珠聽者屬耳惟上亦以為能好書鮮所不窺尤力於講易有所得一時耆儒推為精深愉色事母終身不怠居謫奉諱毀幾不全世饒財至公無所益自奉簡約衣不重綵家無媵御臨歿飭子弟勿厚葬公自卽署至耆老社兵戈矢石桎梏枵腸之地靡所不歷而不懼不挫竟能完躬保名出險就夷壽考顯

融為時艷稱君子謂公才固難侔而福又不可及也夫人礪山名族牧使寧之女領議政軼曾孫甚有婦德公敬重之舉七男四女長景兩大司諫次景需典籤景霽縣監景霄承宜祖長翁主封達城尉餘並夭大諫一男一女男元履侍直女適判官崔浣典籤六男曰亨履曰擇履翊衛曰祥履正言曰圭履曰弘履都事曰明履縣監二男四女男準履言履女適李埴權順悅趙胤錫林宗儒皆士人尉三男五女曰貞履縣監曰正履曰慎履女適進士金珪奉事李命寅士人沈伉佐郎權塙李未

行內外曾孫男女若干人尚憲嘗狀公行詮載頗
悉今志其大者續之銘銘曰

宣祖當朝藹厥多士矯矯徐公遇時興起天與其
才邁逸倫儔其才伊何政事謀猷屈伸之際坦懷
實難公惟大度不卑小官既顯既試迺哲迺理艱
難急材孰文武備公膺簡寄外內俱宜方面之績
式矩式規五官之政惟則惟典功因明就禍繇闇
煽漢禁中都楚纍南鄙怡然委順物莫傷已延登
耆耇鼎革初載辭逾礪俗器益周世弛綱解紐望
公張只嬉武恬文待公彊只天不愍遺奄忽滔滔

有屹桓楹雪雲之臯旂常備紀勳舉槩略百世在
後與石無泐

刑曹判書張公墓碑銘

并序

我宣祖當國四十二年才臣杰士嬪然布列中
興之際繫其力是籍謀猷事功備載史官故判書
德水張公其一也公諱雲翼字萬里張氏本出中
國始祖舜龍當元時以宣武將軍鎮邊總管從公
主來仍仕高麗累官僉議叅理食采德水縣遂為
顯望數世而至翺漢城判尹又三世至忠輔司憲
府執義 贈禮曹叅議生玉能文章蚤擢大魁承

文院判校 贈吏曹參議生任重掌隸院司議於
公為大父父諱逸木川縣監 贈議政府領議政
娶府使昌寧成子沆女嘉靖辛酉生公在娠夢有
龍祥少字應龍生而穎異不類凡兒六歲喪母哀
慕如成人見者異之稍長嗜書善屬文試輒屈其
曹偶聲譽斐蔚十九中司馬第四名二十二登文
科狀元拜成均館典籍改司憲府監察兵曹佐郎
司諫院正言出為高山察訪病免又出為宣川郡
守士論譁然稱屈公不芥意勤於吏職政景 賜
書褒美三歲病免已擢拜持平陞掌令知製教公

磊落雋拔遇事風生舉劾無所避群不悅者側目
視之會倖相之有與援者志清議擯已陰圖自安
蜚語榮惑上意不能無動於是先去一隊名士
公得襄陽亡何禍作鄭公澈謫江界尹公斗壽謫
洪原公與洪公聖民李公海壽俱謫北邊明年倭
寇大入宣祖西幸悉還諸放臣用慰人心公冒
鋒鏑赴行在以善華語常侍左右江華諸軍
不相得命公撫諭之將士無不感厲胥為大蘇
奉使稱指入長太僕改執義陞工曹參議改兵曹
又改同副承旨進都承旨時賊據南邊羽書旁午

天朝將士填館籌畫接應事機百端公素強力統
才謂應對出納之際咸中肯綮上察公才
可堪重寄卷頭日隆特賜金帶尋陞嘉善
王何中忌者出為海州牧使州俗悍劇加以兵荒凋瘵幾
不為州屬王妃分駐煩費倍蓰公至治法自出
方略裁辦如流綽有餘裕或見公無事疑太簡佚
退而耳目於外官蓄積增諸宿案如洗民赴愬者
不經宿間里靜暇各事其事庖衛官寮暨流寓
人士無不足公者於是人人皆以為公才不可及
已進一階擢為忠靖道觀察使州民擁馬號泣曰

公忍舍我赤子去乎道枳不得行乃以計脫身馳
去追至闕下上書請還公者累百人上命換
節本路公習知西土利病因其俗而加振刷焉民
益翕然稱便大治首陽山城儲胥甲兵屹為一道
保障亡何彼誣免歸麻提督貴之來以賓使送諸
境麻帥一見敬重之相得甚驩事有惡難應副或
盛怒不可解者公介譯人自吐一辭無不釋然後
之自都監官以至郡邑吏民皆賴之於國體亦多
有裨焉上用陟公資憲大夫刑曹判書隨提督
往湖南仍隨至嶺南島山之役暴露原野數十日

時天寒雨雪提督戒公待于數舍之外公辭以受命以來義不可離雖矢石所及亦不避提督益重之明年夏駐師安東公舊苦痰濕至是遂劇上疏乞解輿歸第屢除都提管知義禁府事漢城判尹輒請告丐免至己亥六月十四日卒春秋三十九訃聞罷朝二日 賻贈有加遣官吊祭如禮是年九月某日從葬果川縣北某向之原公資性豁達好氣概有威風長於政術家居雖童孺臧獲未嘗大言訶責至當官泣職坐堂皇顧眄猾吏脅息不敢仰視牒訴盈前剖斷立盡其治劇部雖窮僻小

民一見悉記其姓名海州時有致狀不當理者斥
去之既久復來乘擾以進公輒識之詰曰是故某
時決遣今何敢再恩吏民驚服稱神明公豐貌白
晢少須髯神采晬如也遇人坦蕩不設畦畛至於
淑慝枉直之辨處之未嘗苟焉坐此罹禍網竄身
絕塞晚亦屢遭謫貶乍起乍落不能久安於朝生
平不問家人生產祿食二十年歷望郡秩藩位至
八座先業之外不長尺寸蚤以文執進及仕用政
事顯雕篆之技有所不屑其交游盡一時英俊至
論通才偉器未有以先公者嗚呼使公而年其功

葉豈止是我公初以宣武從勲 贈左贊成癸亥
今 上反正公之二子並叅靖社功再 贈領
議政德永府院君配密陽朴氏漢城判尹崇元之
女事君子無違德教飭諸子不偏於慈愛生三男
二女長曰綸義禁府經歷次維封新豐君太宰掌
文衡有六名於世次紳封德昌君長女壻都事尹
仁演次士人黃裳蚤死側室子女各一人經歷二
男善淵善湛文一人孽子善潤善浩文一人新豐
一男善澈女一人德昌三男善冲善泓其一始生
女一人黃裳一男爾徵銘曰

德水張中華來稟光嶽傳有自世炳靈義無極維
秘書受才雄厥步獨再播種公乃獲祖武躅公鸞
鳳不阿閣于枳棘公則鏡磨愈瑩彰茂績登于臺
豸爾額邪畏觸斥不久反乎覆國乃國作納言善
其允金魚錫藩臬清儉儀修棘列擢危無辟命是
恭華人服躬盡瘁死以繼王心盡右冠岑左漢臯
卜幽宅才之長壽之短君子惜公有子增光烈天
道哲墓之石我為銘無愧色

觀察使林公神道碑銘

并序

天啓癸亥春今 上反正修 先王之政首召

先朝宰輔侍從之臣退而家居者以前叅議羅州
林公授安東府使未赴用薦者拜黃海道觀察兵
馬水軍節度使到即一掃除昏朝巨弊為民害者
勸農積粟蒐乘練卒日嚴不懈至明年正月逆逆
犯京城乘輿南狩公發憤誓死協元帥討賊
助兵給餉皆出本道克清大憝以迄成功上返
駕班賞命進公嘉善大夫本職如故秩滿拜同
知中樞府事兼五衛都總府副總管是年十月四
日以疾卒于京有司以聞賜賻吊祭如儀且
命輅所徑由輦送至家發卒造塋粵季冬二十六

日廼葬既練其孤塋具狀如禮請墓刻尚憲方懲
拘于文辭辭以故未竟使弟墀千里叩余于揚州
之田舍泣且請曰先父平生所交好匪尠也至末
年一心傾嚮惟吾丈人又嘗與不肖等語及茲事
亦惟吾丈人今而吾父墓銘而不得丈人言猶不
銘也且悲且咽言未半而殆不能辨其聲於是余
亦不知涕之交頤遂不得再辭記余初中司馬謁
孔子廟序齒公與余齊年坐最近矚公茂質夙成
言動有法在行輩自起心竊慕之遂與契合厥后
三十餘年出入遠近之或殊顧所不異者如初焉

嗚呼契合三十年死生有先後已極可悲况忍受
遺託而論譔其行事哉嗚呼忍不受遺託而不論
譔其行事哉謹按公諱愔字子慎初名懔號石村
林氏為羅州大姓其先有諱庇仕高麗為大將軍
輔佐功臣至公十世世有衣冠曾祖諱杲全羅道
兵馬虞候 贈兵曹叅判祖諱鵬承政院左承旨
贈禮曹叅判考諱復承文院正字再娶無子晚聘
南平徐氏進士說之女以隆慶庚午十二月癸卯
生公于羅之會津第生有異相數歲氣度不凡正
字公竒愛常曰吾兒徵貴榮在其母乎吾老恨不

及見卒時甫齒能喪見者益竒之將豎墓表諸父
兄素號公命工刻勿已深異日必加爵後果以公
貴屢贈考資憲大夫吏曹判書妣貞夫人禮曹
以上之贈由公季父節度使晉節度宿將著清
名其子梯子順豪俊能詩弟權子中亦喜文辭侔
儻有氣槩世稱林氏多才子然士大夫每論人物
咸第公居前庚寅中司馬己亥登文科庭試選
補承文院權知副正字辛丑薦拜承政院注書陞
成均館典籍歷工禮兵三曹佐郎出兼統制使後
事官按劾債帥之縱暴者驕悍斂戢主將敬憚焉

甲辰為養補茂長縣監己酉瓜代以考最入陞兵
曹正即庚戌移成均館直講辛亥再入兵曹拜司
憲府持平鄭仁弘始張極詆晦齋退溪二先生公
知堅冰至避顯辭適弘黨嫉之黜為北邊輸城察
訪以親老陳疏免又除西道德川郡守論罷壬子
除鳳山郡守時新經大獄邑里如燬在官三年民
便之境有盜患捕殺渠首遇舉賞典例陞一資甲
寅被都官囚人誣引逮至金吾事無實竟釋公見
時事日非絕意仕宦丙辰叙用散班公即南歸俄
授五衛將又授分承政院承旨自癸丑後奸臣縱

史鑑廢 母后設分司官以守之非其黨者輒區
別形迹誣以大逆傾朝側足公不得已就職贈詩
同舍以見志冬除咸陽郡守丁巳遭艱方大夫人
疾革祈天請代刺指進血及喪致毀善病然莫則
必躬己未服闋辛酉拜工曹參議數月即棄官歸
家公內行修備自蚤歲承主家事凡奉養追遠之
禮無不纖備避兵艱難之日猶盡力不廢其赴茂
長也與羅密通月月盛為壽具必曲迎親意所欲
致者以娛侍春秋讌境內耆老男女每潘輿出臨
頌祝夾道擁哈溢席常約已卽用儲奇羨以贍滄

隨之奉公私用度俱足而民不忘去後追思碑之
在鳳咸咸如之公家業豐殖稍長白太夫人取置
券貧窮久不償者悉焚之喜施與遇饑歲為粥食
道路餓者於相識加厚䟽戚各滿意而去在郡散
家積徧振鄉里貧交不事儲蓄及歸行李蕭然妻
子不免內困公裕如也與弟挾相友愛蚤大有二
子瑞瑋撫養孤孽備至初公長子棟生太夫人鞠
於膝下其愛視公連捷兩科俱建榮別賜臧獲膏
壤田頗多公悉取與弟婦共分之後瑞中司馬公
自以己財分給如棟之數並及瑋焉前母遺財物

甚殷當傳於宗子而亦不專取公為人魁偉異常
身長九尺望之屹屹然萬夫之特即之溫溫其恭
性沈厚純實勤於自飭居家立朝內外如一待人
無賢不肖誠信不欺不為皎皎白不立名自喜泛
泛若弛置遇事至見是處固執不移子中司馬同
年皆設聞喜公以國喪未禫獨不設嘗使遼東
所得贈遺悉分貤役者按海西也感奮激勵期以
盡瘁報國以為得民心在為上者先公忘私夫
人喪減官賻舊例之半親故千索者一切謝遣省
營中浮費專意軍需請別籍內奴之不成邊者得

精兵數千人及討迺諸軍所在缺餉待公運餽乃
哺先是海西餉臣本起公屬吏或慮不相下公推
誠共濟彼得籍力措置軍食益裕兩西兵精銳盡
屬迺餘皆老弱倉卒不知所為公發內奴生力軍
軍勢始振賊向山路公分遣諸將斬賊將于遂安
賊少挫退乃趨黃州路公督軍將自當一面元帥
併公東路副元帥軍路回遠賊敗後乃入京迎
駕漢上上召見公曰卿練兵聚糧正為今日計
也慰勞再三暨論功置公原從中上特增秩卒
贈正卿君子謂振武之役公之功最賢而其不居

功又賢云公居喪已患風病在兵間勞傷病再發
遂至不救家無十金之資待賻完殮夫人系出平
澤龜城府使 贈領議政林公植女也公少學於
林公林公心器之遂以女歸公感知已歿後捐家
貲為其諸孤娶婦並皆業之夫人莊嚴通達壺政
肅然愛親順姑終始不衰公甚敬重之先公一年
卒葬公之先兆錦城山西麓午向之原至公窆穿
其墓右而下焉有子三人男曰堧癸丑文科司諫
院正言曰墀生貧女適李穰文科禮曹正郎正言
娶叅議洪瑞翼女時未育生貧娶舍人沈光世女

生一男二女正郎生一男三女並幼銘曰

錦密維嶽滌齋維瀆壯南國鍾英降神誕毓偉人
棄琛珍吊悅孺哭工微塚刻有幼特庸豐易約養
志則樂光孝德嗣世文鳴登于王庭誦厥聲達
邪從正不容何病自清靜詘邑之領于湖海嶺一
惠政逢時孔醜我人人歎詩以究爰初中興羗居
賢能簡寄膺牙纛飛揚旂節輝煌鎮西疆民惟
毋撓視以身教式訛倣增兵技肄倉溢而積足闔
備閩外跳梁為集為狼慝難當十乘摧轅五將歸
亢熱燎原公時奮發仰天誓日泣士卒賊窺右境

分兵斷頸致奔迸我師方窮食公兵公公功功既
翦旣覆歸而舍爵公無勳淵衷寔哲報酬罔失
人廼悅公歸九京命夫輦行極哀榮有玄其墓
夫人是祔安且固孝子善述徵銘紀實炳愈烈

知中樞府事邊公神道碑銘 并序

知中樞府事邊公卒後十五年甲子長子瀾以黃
海節度使從兩元帥平逆逆之難尋有命景諸將
力戰者皆為功臣錫號振武封節度原興君推
恩超贈公領議政原城府院君節度祗承寵
命既榮而感乃圖顯其襲訓委祉之由請銘諸石

尚憲前已誌其壙辭不獲按公諱良傑字國華邊
氏本出中國其代祖肅當元末來仕高麗為工曹
判書賜籍原州麗亡退居白川終於家入 我朝
有諱確忠佐衛司直 贈戶曹參議生諱自靖充
山縣監 贈戶曹參判生諱偉禮曹佐郎 贈議
政府左贊成寔公之考三代之 贈由公貴也妣
驪興閔氏部將希賢之女府院君汝翼之後嘉靖
丙午十二月生公未十歲喪二親如成人禮鄉黨
咸異之二十七登武科授龍驤衛部將歷江界軍
器二判官陞碧潼郡守軍器僉正用薦者超拜慶

源府使未赴移麟山鎮僉使階折衝又移江界府
使三鎮俱西北重地以公所歷著能稱朝廷將
大用故亟遷之癸未北鄙有警以公為助防將仍
授吉州牧使公威望漸隆兵士多屬望主將心害
之捏誣公逗撓謫西邊未幾有時箭之役論功復
叙除順天府使抑豪強振貧弱威重不苛吏民畏
服擢拜忠清水軍節度使明年壬辰倭寇犯京
宣祖西幸列郡瓦解公奮領所部陸行至燕江還
賊戰少利將合兵進討會三路大軍潰于龍仁公
慨然還鎮由海道勤王到海州見監司趙仁得

借本道水手護過長山仁得寄命一舟不能使其
下愧無以為辭宣言 國事已無可為士卒聞之
皆欲散去公以忠義激勵軍情稍定時 行宮逃
在龍灣國脉幾絕公乃引軍與倡義使金千鎰扼
守江都由是 朝廷號令始通於兩湖冬 遣大
臣視師遇有修卻于公者白衣隸軍明年起為京
城守護大將俄拜忠清兵馬節度使捕獲逆黨進
嘉善大夫還兼都總府副總管拜咸鏡南道節度
使坐事罷歸又拜黃海節度使未赴改京畿右防
禦使入為訓練都監大將卒有犯罪將刑後宮貴

幸其勢立禍福人者曲為營救公拒之卒正法後
無敢以私干焉倭奴求通關市上引問宰樞皆
以羈縻為言公獨不對上卒問公對曰臣待罪
行間恨不得滅此賊以雪國恥敢言和耶上
改容曰予是卿言議遂決朝廷益重公用射藝
絕等荐加二階為資憲大夫前後賞賜無算
天兵脫伍在我國者兵部遣官搜索監囚獄中
餘黨潛聚數百人篡取囚徒屯結城外將作亂事
出不戒都內震驚城門晝閉道路設瞭望乃行廟
堂欲以兵藏之諸將在位者甚多莫有稱上意

時公適解職家居趣召入授符公至以計中其
忌諱群黨釋兵就縛城中解嚴上喜復拜公大
將授知中樞府事兼知訓練院事都總管提調尚
方武庫苑囿備邊等司與開軍國重事又管禁止
都內盜賊事盜殺儒城君柳熙緒熙緒所畜妾有
外私事連長王子或勸公為之地者公不聽悉
捕鞠盡得其狀宣祖怒下公金吾公置對不少
訕上愈怒事幾不測大臣以為言僅竄東萊其
年冬遇赦還白川家無一日之食朝夕待人舉
火慶之怡然一不以惡告人明年赴臨山陵復

拜都摠管俄授水原府使無防禦使改濟州牧使
至官盡祛前政為民弊者奉公之外不妄取予及
歸裘馬服餘一無所易公在海外患風疾至京寢
加庚戌七月十八日卒春秋六十五訃聞輟朝吊
賻賜祭如儀公歿弼馬以殮不給弼宅以葬葬
在江陰縣新卜新化里坤向之原夫人趙氏先歿
葬于公先兆至是遷附公墓趙出白川福興君胖
之後忠義衛光琮女也生二男三女長即節度使
次漢蚤世女適判官盧有命七人崔大益縣監崔
大光節度一男一女男復一文科刑曹正郎漢一

男一女男希一武科都提都事側室鄭李二姓曰
沃武科司果曰溢武科萬戶女僉正方善慶劉官
李源鄭出也曰倫曰誠武科曰潔曰懌曰誠文即
尚憲妾也皆李出內外諸孫男女三十六人公妻
表英特自未達時見者皆知其必貴性剛毅少私
立志至老不懈教訓諸子甚有法度卒能成就居
官居家內外肅然下至奴僕不敢縱逸遇有公理
氣勢相加者若猛石受鉏刀不入膚寸為都監大
將也與天曹郎爭一公事不相下牧耽羅半刺由
銓郎黜官意公必降屈相接公處自如遂大嘿卒

致中傷平生屢以此見躡終不改守相德馨嘗言
於上曰邇其素勁直非其義雖十名士不為動
宣祖下教特示褒予歷典鉅郡累擁節旄先人遺
業有捐靡益友愛同氣終始如一撫恤孤貧衣食
與分常曰吾無才能功伐而竊取太過子孫當加
儆飭勿致過福之災是吾望也人以是知公之有
後也銘曰

黻也喪親如禮子哉公者也友愛不替弟哉公立
朝也忠而確臣哉公教子也俾職職父哉公天之
監之神之福之後有躡者其式刑茲

觀察使崔公神道碑銘并序

公姓崔氏諱沂字清源自號西村又號雙柏堂世
所稱循吏績而長者風而廉士操者公其人也古
人有言作善降之福此言何謂也公平生內不欺
心外不欺人飭躬執行惟善務從而无妄之禍受
之身受之身後延及其嗣婦又死夫牛車素棺慘
其盈門豈作善降福者非耶謂之無天非過也公
死未十稔而國家反正奸兇之謀害公者伏鈇
磔都市中首足行四方子姓駢戮兄弟妻妾為鬼
新為城朝於是復公爵加 贈隆秩予祭給槨設

夫營塚卹其家施其婦之間若是則果可謂無天
乎嗚呼天之定亦久矣為善者可以無怠矣初公
之為海州牧使也實光海之六年甲寅維時奸臣
蜚集後先從諛謀起大獄殺先王后父而滅其
家拉大君海島斃之先朝名公卿大夫一剗削
如埽上浸長秋錮之西宮厲吻以伺尚畏人心
未服諸所以網絡張設作威誘脅者無餘力先是
癸丑之獄有名捕未獲者因此蜚語伊在海西山
谷聚徒為亂以惑衆聽裝成圈套盡置常所忌嫉
者其中暗授朴希一朴以彬等使之自為上變一

彬俱海州人素無行不容於鄉及受指以為富有異賞暴自大歸稍泄之其父兄聞大恐露狀公收之未有以重處其家迫令自殺諸奸恨公次骨劫道臣上其事章下金吾逮問公公未就逮奸黨以書迎謂如此則生其言盖有不忍聞者公毅然曰死生命也嫁禍以自免吾豈為哉及置對索言之時權倖有與奸魁交惡者訶知之揚言獄當反諸奸恐上入彼言有所啓悟海牧及監司悉遣心腹人啖死囚以免罪獲功告言崔某實叛首一彬知其謀故殺之以滅口諸奸欲強服之備加淫刑死

獄中丙辰之六月二十五日也又建公壻柳燦誅
之不從反暴其狀嫉益甚及公外族之居海州而
昧弱者悉鉤致集有一亂道以證成之卒無事實
並皆考死衆庶莫不稱冤諸奸必欲實其事籍以
覲勲封而折謀已者至八月追論以大逆發公葬
戮尸矢諸市國人重哀之行者至取它路以過後
二十一年丙子公之外孫柳君時英列其事跡終
始泣而請銘曰此遺命也尚憲故習於公而先君
子又與公比壤為守竊羨公之政而愍公之無辜
嘗有槩於心遂不敢固辭謹按崔之先出海州在

高麗有文憲公冲力闡絕學興起斯文時稱海東
夫子公即其後也若文和公惟善良平公思濟文
清公滋忠憲公有渰奕世輝赫繼踵宰相入本
朝副提學萬理受知英廟裨益弘多號為名臣
於公為五代祖逮公之王考世有衣冠考諱汝慨
宣傳官贈吏曹叅判母曰陽川許氏縣監雲之
女忠貞公琮曾孫嘉靖癸丑三月二十日生公自
幼惇敏動止有矩日夜下帷誦不輟在曹偶中聲
譽藹蔚乙酉中司馬其年秋擢明經及第遭許夫
人憂服闋逆補承文院權知副正字轉著作兼奉

常寺直長薦入史館為檢閱待教至奉敎例遷濟
用監主簿改刑曹佐郎自是內則為禮曹佐郎戶
曹正郎司憲府持平執義司諫院獻納司諫成均
館直講宗簿寺正侍講院文學弼善輔德弘文館
修撰校理承政院同副承旨至右承旨刑戶兩曹
叅議掌隸院判決事自獻納常帶三字銜在宗簿
兼春秋館編修官執義司諫弼善政院戶曹則再
入或三八而於弼善輔德又為兼官外則開城府
都事海運判官肅川東萊密陽府使光州定州海
州牧使慶州府尹忠清道觀察使而海運則以叅

判公憂去職光州東萊則徑適俱不赴奉使則從事防禦使李沃軍中賫咨往來遼東如京師賀聖節所居皆以稱職聞其表表尤著者肅川當西門孔道自壬辰征倭之後中朝將士肩相摩事益難理守臣至輒譴去庫門不閉倉無儲粟吏民鳥獸散莫可收拾公至先立規矩擇邑中堪受用者指畫預定諸所措置務循便宜而其奸吏倖民威亦不廢允有接遇一以順應公私晏如於是流逋還集廩庾充實以其羸行德屬邑之未瞻者助給之士女之流落者振救之一坊治理流聞遠近

視為師帥居六年考績最一道遇有修葺者以御史來捏誣坐罷公議爭是公而答御史亟畀顯位用直前譖其赴定州也宣祖下教曰建酋崛強終為我國患爾其屹作保障垂名竹帛仍賜內藏服猛之物公感上知思有以稱塞悉心營職三年米增至累千斛兵器多不可勝計它務稱是達川橋歲賈木民甚病以石易之減恒費幾千百通瀟澮開水田以業民謳謠載路方伯上其治屢蒙褒賞秩滿髻白擁車道為之枳密陽之治視肅川御史具聞賜帛加獎在慶州亦如之肅定密

皆立石紀德後公朝京道肅定吏民填道懽迎

曰吾爺來矣大設供具以慰其行聞者以為前所罕有也監漕臺課額無缺無不中期按湖營剗剗無滯諸詞訟簿牒以次若洗赴京也盡斥負輿力挾貨而牟於利者不以燕中一絲入橐一行肅然其貳地部與其長協議塞奸竇剔流弊不苛辦而調度告裕市民大悅居經幄偕同寮編校春秋左程胡氏三傳為一書書進褒陞通政以問事郎叅鞠逆又陞嘉善言路論其驟改受厯馬之賜守史職屬新薦被醜正者並論坐罷所薦後至輔相

有名名益彰公之宦跡此其寂也公為人長身豐
貌白皙少須髯望之矜莊就之寬平居家孝友多
人所難及者俸祿半以入寡嫂孤姪之家妻子不
免困乏仲兄貴而貧僦屋而居公析婦產買宅以
奉兄歿推與其孤立朝三十年所歷皆望藩沃郡
而田園臧獲無所益死後家無餘財待人坦坦無
忤有所求未嘗示靳至當官決事斤斤守三尺不
少撓性不喜衒飾不通權貴人不好聲伎燕遊公
退對案終日怡然自適蓋門外之跡可數也口鮮
臧否皮裡甚哲與許筠同在公州鄙之不為禮韓

續男布衣時見其眸子以語人俱銜未發公之得
禍竟由此兩人獄事方惡適有白氣屬日公謂柳
時英曰我其死矣我死汝必使後人知吾之寃而
一言以白之死可瞑矣聞者慘然已而果驗嗚呼
公不忍以身命易上類之魚肉彝倫之斁滅確然
棄志之死不變當時之人但知哀公之死痛公之
寃而實不知公之有功於明倫不在靖社諸公
之後也癸亥今上即位首雪寃枉贈公資憲
大夫吏曹判書兩館大提學具無帶異恩稠疊
至是而公可以含笑地下矣始家人藁葬公于先

地是年十二月十七日柳時英改寔楊根郡西終
面新卜某向之原明年夫人李氏卒柩左異穴歟
有再室前夫人晉州姜氏生一女後夫人完山李
氏生一男三女咸有婦德男曰有石英茂夙成丙
辰坐死其婦判決事廣陵李如圭女故相德馨之
孫雅操士行及禍作誓志不回竟飲藥以終生一
子漢蚤夭漢生男女各一男慶善女幼長文壻柳
燦與公同禍次女壻尹勛舉縣監洪守定大君師
傳金施士人長女姜出餘並李出柳燦一男一女
男時英忠勲府都事有才行尚氣節即請銘者也

尹勛舉一男洪字定四男二女內外曾玄孫懿若
千人作善之報意終在斯歟銘曰

謂天曰明兮胡然其墨墨而謂天無知兮胡然其
赫赫而前乎未定孰不為疑既定既勝迺克知之
嗟嗟惟公宜慶而殃帝心肅然爰燭升陽陰昏一
破幽薊早暫黃麻秘器恩溢寔實揭示善報于
以祛貳美政洋洋史傳收錄隱功未君子是惜
鬱鬱佳城中隱之岡以蓄餘祉以啓後生誰其營
之宅相維賢我銘其石有永千年

慶尚左道水軍節度使朴公神道碑銘并序

公諱泓字清源姓朴氏蔚山人始祖允雄佐麗祖
啓邦封為蔚山郡公改郡號曰興麗庸顯厥功子
孫蕃昌世有衣冠入我朝有諱愈登文科仕止
南平監務徙家湖西之天興縣遂為縣人焉曾祖
諱元昌祖諱埤皆不仕考諱英斌某署別提贈
戶曹叅議娶直長鄭仁傑女以嘉靖甲午生公少
負氣力善射喜獵每遇禽獸發無不中嘗出漁有
羣輩挾衆凌奪公奮拳獨前伏三十餘人人稱其
勇既冠登丙辰武科除宣傳官出為江界府判官
座內資寺判官理山郡守儀賓府都事陞拜定平

府使政最屢加褒賞五年罷免壬申海西有霍蒲
之梗適 詔使將臨當路守宰須方略武望用薦
者拜平山府使供張職辦盜賊解散議賞未行遭
內艱廬墓服闋授都按府都事未至除靈巖郡守
三年罷歸為備邊司郎廳選授天城萬戶踰年御
史以善狀聞 命增秩超拜釜山僉使臺諫論寢
適歸拜龜城府使庚辰加階擢滿浦僉使至則整
肅軍政招撫諸胡示以威信胡人感畏歸其鹵獲
漢俘及正先所冒墾田訖公去鎮無敢有犯禁者
癸未瓜代道拜鍾城府使時北虜搆亂乘傳徑起

設方略誘降虜酋責還遺糧數百千我民男婦五十餘人修城塹脩器械練士卒殫誠靡懈為忌嫉者所誣逮繫金吾會北帥暴其寃事乃已西叙護軍無領禁衛又無內乘德源缺府使府有鬼祟前守相繼暴逝人皆規避公不辭之官為文祭之地惟從此遂絕未幾罷歸丁亥遭外艱外除拜慶尚左道水軍節度使寬以御衆勤以莅事士卒翕然稱便而軍政無不修舉者巡撫御史見城高池深器用堅利甚善之令諸鎮取法焉秩滿例當得代朝廷知其能特畀一期明年壬辰倭奴舉國入寇

公下海迎擊衆寡不敵入保本鎮賊連陷旁郡援
兵路絕不獲已遣徧裨具聞于朝令城中人先
出以糧械自隨餘悉焚之無使藉寇與本道防禦
助防等將退守竹嶺聞烏嶺失守馳至京城大
駕西幸已有日矣追赴行在道遇元帥金命元
署左衛大將共守臨津分兵與申砮劉克良等戰
于坡州諸帥皆敗死公獨全所領而還亡何下流
軍潰賊直衝松京公從元帥間道趨平壤助防急
水門平壤敗將赴龍灣行在適巡邊使李鑑見
公謂曰國事至此吾等徒死何益今往海西保

守一隅庶為他日 朝廷恢復之資公然之同至
平山界收兵謀斫興義賊壘兵未交世子駐伊川
憑召之領兵馳赴俄隨八成川為右衛大將又為
義勇都大將出平壤地累戰皆小利臺諫追論初
去信地棄職白衣隸軍已而課功貫臯旋與旋收
如是者至三時 朝廷邈在灣上持議論者各信
所聞賞罰顛倒類此癸巳 天兵復平壤公從元
帥到坡州素病濕至是寢劇請暇乘舟歸湖西計
調治復起未至家七十里終于舟上壽六十鄉人
知與不知聞之無不嗟惜以某年某月葬于同縣

鳳壽山某向之原後先地也後 朝廷錄宣武勲

置公原從一等例 贈兵曹叅判又以長子震男

叅靖難後勲加 贈兵曹判書無知義禁府事夫

人江陵崔氏郡守公弼之女溫柔慈惠壺政修備

視公妾子如已出公之庶母饒於財意欲託與夫

人諸子中一人夫人曰吾兒幸有家業孽子某孤

子可念是可與也終不以貨財為意其通達有識

如此生三男二女震男武科郡守霆男進士靄男

武科縣監女適及第尹守謙次縣監金德一側室

五男二女龜男鳳男鵬男麟男虎男俱登武科唯

鵬男未第女嫁陳晚成次武科安舜輔郡守娶察
判洪仁恕女無后妾子一人誠望進士娶觀察使
尹希吉女生二男一女斗望宗望女進士安汝止
妾子三人得望餘幼縣監娶進士鄭復善女無后
以宗望為後公雄資偉量技藝幹局所居聲譽赫
赫吏民懷之自幼至誠事親親歿事兄如父自作
二連歌以寓追慕之意聞者感歎待親戚有恩遇
人無恩讐之別人以此多之歿後三十九年其孤
寔男具石請銘累辭請益勤謹撫其家狀叙之如
右系曰

清江先生集卷之二十四
先君子為大興宰不肖少侍之縣其俗尚武就科
第登于朝者相望也然建牙纛襲緋玉馳聲鄉里
間前後罕有過於公者豈無其所以也而進士氏
又能不忘顯親之道四十年至誠不衰及其身以
遂其志亦可尚也已

行司諫院大司諫李公神道碑銘并序

公諱命俊字昌期咸鏡北道兵馬節度使 贈議
政府領議政清江李公諱濟臣之第四子也清江
公有文武大才不究厥施至今士大夫追數先
朝人材可任大事者清江必在其間清江之歿公

年十三行喪盡禮受業月川李公廷毓白沙李公
恒福長游牛溪成先生門下學有師法稟性剛正
志堅金石論事是非理當否一定於內千萬人不
能移也見有為正為不正者不以其人貴勢孤賤
而白黑之甚辨也於進退辭受之間心一毫不安
不一苟處也蓋其行有過而無不及者焉年二十
九舉進士後三年癸卯庭試壯元歷成均館典籍
司憲府監察禮兵刑戶四曹佐郎知製教春秋
館記法官高山道察訪德山西原二縣監平壤府
庶尹司憲府掌令軍器寺正弘文館修撰校理應

教忠清道觀察使江陵大都護府使司諫院大司
諫兵曹參判年五十九卒歷位祿食三十年而衣
服不完妻子恒有飢色公之自江陵歸實今上
即位之八年也上䟽極論時政闕失指斥上躬
皆言人所不敢言又曰一二朝臣當緣曲逞私進
女子曲逞一啓亡國之兆請出之䟽入上即出
其女特除公大司諫已而大臣曰公䟽請治謀
進之人上怒辭旨已嚴朝臣皆懼公不拜命
復上䟽言益切上意感寤手札慰勉公乃出尋
以病辭拜兵曹參判又辭歸卧陽川之簣簣谷草

屋數間不蔽風雨公嘗自號潛窟至是名其齋曰
退思識不忘君也病欲遺命儵歿貽書親友託其
諸子屏婦女備然而逝是年十二月二十二日也
訃聞上下教曰李某盡心國事有意格君不幸
徂逝予甚惜之其喪費凡役官給之用表其忠明
年辛未二月五日葬于楊根某山清江公墓左負
艮之原世次具載清江墓碑公所居官撿身束下
守法張職奸猾氣死雖嚴上官無不黜已私徇公
之言西原一日水鳥集城中公下令脩舊防設儲
備未幾大水田廬盡沒而賊不壞民不病以先有

備也一境稱神明平壤屋比而苦火歲為灾公至
官為陶瓦而賤其估民樂為市一歲瓦屋過半收
其布以代民租公私俱濟癸丑之獄奸黨忌公骭
法竄盈德因窶益甚而視其操履無少變道路流
言西宮遇弒公素服居外及白沙李公諫廢
母得罪公上章極言縣吏不敢受公悲傷鬱悒有
懷沙之意家人覺之捄乃止癸亥反正以掌令
召俄陞軍器寺正選入玉堂受命往嶺南察民
隱未還擢昇湖節後一月李适叛上如公州公
夙宵殫竭無乏大事備見慰勞進嘉善大夫丁卯

西虜大入 上幸江都 世子受委南下公陪至
全州訛言寇深議欲移避海上公倡言不可遠江
都一步不見 世子又力陳調兵赴援之策後
上聞甚善之 特賜虎皮厩馬以獎之江陵俗設
財役貧小民不堪公召土豪立禁約違者正法期
月遂大革父老相謂吾州古多惠政如公前所未
聞公在西原友人宋象仁其親表遭誣告連逮將
死公為疏訟其寃方伯懼寢不聞而坐此竟罷歸
宋後亦至觀察使即壬辰死事宋東萊象賢之弟
也其居官制行與公略相同而宋主威嚴至於聰

明剖斷文之以儒雅頗遜於公曾以伏節死義期
之相繼而歿歿後家無餘資曾舍殮以往皆待人
以舉又無不同焉嗚呼其可惜也其可哀也夫人
義城金氏僉知續祖女生三男二女顯基道基元
基女適洪九疇先歿次沈光泗道基一子洪沈各
有出俱幼銘曰

巍巍清江文武兩有闕不盡蓄以發其後惟公嗣
之性清直方匪雪雪白匪金金剛郡績前景臬政
後肅緘章格王二妖夫側至言動天雷霆為收嗟
公秉正在古誰侔有石屹立前渚後矗載叙載銘

來世之矚

行司諫院大司諫權公神道碑銘并序

公姓權氏諱泰一字守之自號藏谷世為安東府之柯丘人高麗太師辛之後曾祖模軍器寺主簿贈通禮院左通禮祖錫忠 贈承政院左承旨承旨公有二子長曰春蘭司憲府執義季曰春桂內侍教官 贈吏曹判書即公之考也妣慶州孫氏某郡某之女孫夫人當琬夢黃龍入寢已而生公實隆慶己巳七月二十九日也執義未有子以承旨公命與婦朴抱而子之不翅若已出三四歲尚

不能言既言便出奇語人知其非凡兒甫齒即自
循矩度儼若成人所作詩句多警策稍長就學具
栢潭先生問辨超悟執義本栢潭成就弟子喜公
能脩其家業益加獎勵年二十三中司馬金監司
誠一素簡亢寡許一見器公遂以女女焉亡何邑
中有文事事關華人選於多士屬公輩三人文成
不知所左右西厓柳公定用公製盛稱其辭意得
體自是華問彌大公雖得文益聲乃其志稍欲進
於學問而親命屈意公車已亥擢大科補權知承
文院副正字薦入史館由檢閱陞待教移侍講院

說書又移承政院注書復還說書曹巡方懋金華
之業公所以啓翌之者良多特蒙 褒予尋遷司
諫院正言改吏曹佐郎帶三字銜病辭拜弘文館
脩撰陞吏曹正郎時權倖在事同曹郎多倚人門
戶承望為進取計公獨不然曹退就僑居默坐終
日所還往僅若而家門外之跡可數一時肅然稱
為端士上疏乞養出為盈德縣令居四年邑政大
治流逋還集歲告屢登謳謠載路事聞拜表裏之
賜入拜弘文館校理病辭還里已有漕餽北軍之
命以繡衣往來全慶江原三道措畫得宜公私賴

之拜成均館司成赴謝即歸尋為司憲府執義弘
文館應教者俱再宣祖大行為國葬都監都
廳郎山陵畢陞通政求為豐基郡守屬久旱齋
沐禱雨立澍亡何與按使齟齬自免歸里去公里
僅二舍不以官中一物自隨久之拜同副承旨陞
右副自以違親宦遊非願也請告還里銓司知公
意遙授慶州府尹州素劇前政非驚蜮則坐選悞
廢公至不為濕束之節延見耆老長者告以推行
教化之意無不悅喜有犯盜者諭令革心恕罪其
人感德卒為良民云尤重學校之事進鄉子弟年

少者親課講讀振作有方時未幾彬彬可觀秩滿
入拜戶曹參議改左副承旨病辭又乞養得竹州
府使未上許易寧海為近親也海瀕俗薄好持吏
長短蜚語顯傷故號難上然終公之政惡聲不入
耳丁巳朴夫人執義公繼歿公持服哀慕一如人
子禮明年又遭判書公憂過毀幾不全服闋例授
西樞公見時事大變徘徊田里無仕宦意奸臣謀
行大事忘士論異己者計悉同路而掩其口如鄭
公暉李公晬光暨公諸名勝退居者白令所在勸
駕人情惴惴皆以為禍將隨至公母動上疏以母

病為辭仍陳親君子遠小人審用舍慎賞罰等八條奸黨恚且欲齟之終不能以有加也癸亥今

上即位拜左承旨亡何又乞養得全州府尹其治如慶州而事益練民益便之衙罷輒手書至丙夜以為恒家人輩懼其勞竭請少休公曰書以治心心荒則政撓居民上者柰何自逸乎時節奉板輿慶壽營間牧守已下畢賀衣冠之盛數十年中罕覩中帝見有隱色叩之曰吾之所以為吾親者可矣白屋之下必有不得其生聽管絃對酒食自然興感爾聞者改容公圖壽其傳即丹青而詩歌之

盡一時鴻筆見者嘖嘖豔言幸哉有子如此乙丑
孫夫人疾病公晨夜不解衣沐浴祈天願以身代
疾竟不瘳含殮之際絕而復甦理祭祀悉遵前
喪丁卯西虜薄畿上幸江都命起復聽調公
以為得罪禮教無益國家不赴服除拜兵曹參議
吏藥若洗曹事多倚輒止何出為忠州牧使先是
有逆徒漏網購捕者公殫心指畫既捕不自居功
朝廷嘉之特陞一階移拜全羅道觀察使公前在
全州具知本道民風謠俗事利弊甚精儒學吏政
無舉而一振刷之默守長之充傲慢者蒞賞才藝

之士於是紀綱大振風化流行千里之部如農一
丘然公亦倦矣久欲乞身即閑遺業在蘆川頗有
山水之勝秩滿還里別構精舍其上脩然無處有
時輕舸短策恣意所到興盡而返山冠野服遇之
若無官者明年以大司諫召黽勉謝命辭遠
為刑曹叅判尋以黃都督接伴使赴蝦島島在鐵
山海口多瘴濕出入候風潮方至人皆畏憚公受
命即行六月驅暑纔抵岸虜騎奄至漢人疑我為
導公見都督言之頓釋自是意甚相得每見必稱
宿德遇本國諠辰適都督開宴請公公引論經

義辭不赴都督心敬之待以殊禮至七月遘疾乞
解秋部 不許都督遣醫致藥物強勸出島公昇
到定州遂欲二十五日卒春秋六十三病時封一
啓事意若致其使職者僕人請問家事張目不對
臨絕再言國事國事而不復辨其聲矣訃聞下
教曰置非其所失此勞臣嗟悼久之 命發夫擡
槨 遣官致祭用表隱卒是年十二月窆于府北
師尼山德輿洞先人墓側始執義公資計頗溫及
公所踐又皆望郡沃藩人謂不至之大事既歿家
用已窘須外賻乃得營塋焉公嘗舉四丈夫子皆

天以弟之子世後為子女子四人安景淹吳益煨
金耀亨韓必久其壻也安之出一男二女吳之出
二男韓之出男女各一金无后側室子一人世繼
生二男一女公資稟端凝醞籍冲然恒若不足少
從事於函丈學有淵源不喜立名以暴人耳目然
嶺以南蓋無不見慕之者事親自平居以至疾痛
大故必以誠信方其少年榮進不以吏部郎易一
日養能自致其分於父母暨恩育之地者終始無
纖毫憾豈不難哉推以施諸同氣亦如之待甥姪
御奴僕各由其道與人言不露圭角而中實耿介

至趣舍是非之際確然有守當爾瞻盜乘趨羶者
如市迫欲致公為客托杯酒固要竟不顧居官切
不厭煩斤斤奉三尺間取師所授舊學以身體驗
凡可以自娛佚者不用也嘗曰士先立大志不為
外累撓汨常令意思激昂在雲霄之上可也一日
所為必書于籍朝夕省察以自飭其操履篤實有
如此嗚呼公之羨碩未易盡余特舉其竒以叙之
其能不朽公耶銘曰

觀士有術必觀其時才顯治朝守乃見危淵淵權
公厚質明資志篤勵操餘事安暇舉世啄矢不集

以翔人方炎熱洗手獨清恬夷自靖物莫我嬰允
哉權公君子之貞遑既鮮竝來誰與抗國有良史
銘不盡懿

錦溪君無判義禁府事朴公神道碑銘并序

崇禎十年乙亥二月五日故判府事梧窓朴公卒
余伏田間病未能走哭以詩送哀既鞠其子都尉
君彌以東陽申君爽之狀問銘於余以余辱在先
友之列也公之在謫嘗貽書相識自叙其事且謂
一二公及余兄弟能知其意余讀之心竊愍然而
未有以復也公今亡矣不昧之託又安可辭乎按

公諱東亮字子龍自號梧窓晚寓泠津之鳳城又號鳳洲朴氏實新羅國祖後世子孫分派徙羅州之潘南者為公之先高麗時判典校寺事尚衷直言死史有傳生豈佐我太宗位左議政錦川府院君再傳而有尚州牧使林宗牧使生吏曹正郎埜年正郎生司諫紹司諫生大司憲應福公即大憲公之第四子朴氏本貴族而至公之叔父潘城府院君應順以褒紀恩贈司諫領議政正郎左贊成牧使吏曹判書由是門益大自議政公重己卯士林子五人皆用才行顯及公之兄弟羣從靡

不歷數華貫世皆稱某公之子若孫其人材宜居
此而未有以后戚為嫌人知朴氏之多賢也公既
進一品累贈大憲公領議政潘川府院君母林
氏貞敬夫人夫人之父贈左承旨九岭石川先生
億岭之弟也隆慶己巳七月二十四日生公為人
如出冶劍以即露其鋒鏑數歲受書便透悟九歲
侍王母所夜暴雨震雷公整衣起坐王母恠問兒
何為獨坐敬應曰聞迅雷必變王母大異之稍長
聲華藹蔚赫赫出曹偶上十七委禽驪興閔氏之
門慶錫館日必往省父母退與諸所好者游戲雜

劇竝陳歸則讀書至丙夜不輟以為恒所好者實
未之知凡有文事見公藻思溢發咸謂公得神助
已丑中司馬明年擢文科丙科選補承文院權知
副正字薦入史館為檢閱序陞待教奉教 講筵
記注敏捷過人一時稱之會當新薦公盡斥權貴
家躁競子弟而薦素門負士望能任是職者大忤
權貴論罷壬辰例遷戶曹佐郎地部號簿書叢練
事吏或多不勝劇吏見除目竊少之公手閱朱墨
一過無遺漏老胥大驚吐舌改兵曹主馬政治事
未久倭報猝急將士戰用騎載取給於公者日無

箕裕如也至西幸日馬尚有四千餘匹公從
駕夜到臨津衛卒盡走上獨坐舟中公與都承
旨李公恒福親自招呼得六十餘人駕始成行
次松都與長官同直門下軍人夜驚長官倉卒不
省亦欲排門出公覺其故挽止勿動頃之乃定長
官素才公至是益稱其膽勇遇事必曰朴郎朴郎
又無備邊司郎預聞機密事駕駐平壤逾月民
恃以按堵外居者亦移帑入城及臨津師潰賊逼
涓江庭議移蹕羣臣多主咸興獨右相尹公斗
壽公暨李公幼澄計守平壤力爭不得百姓猝聞

嚴駕攔路大噪言不擇聲衆恐其為變不知所出
公惡以計白行之民始退至寧遠命世子監撫
而上欲渡遼內附朝臣接踵遁去從上者十
餘人而在郎署厯公一人而止於是六曹備局春
秋內乘諸務悉以委之公奔走殫力備盡勞瘁每
當危疑艱險之際輒自當前茅以身衛駕上
心重之大憲公以老病屬分朝於路病執公陳情
留救已得旨大憲公上疏臣既不能從不忍又
使臣之子先父而後君聞者惻然公遂從駕至
義州拜吏曹佐郎知製教已陞正郎時機務益

殷上下遑遑公周旋其間英發痛快宰相善其計
多所施行亡何朝士稍稍來集向時醜正者未嘗
自見不靖之端於是分別之議大行公一意調劑
注擬無偏諸老成爭勉以世道之責公善華語前
後接遇中朝官必在上前每被顧問進對詳
雅華人無不目屬唯上亦以為才癸巳十月
上回駐海州起拜同副承旨公恐懼不敢當再辭
不許轉至左承旨病遘明年進陟都承旨是時公
年始二十六公益恐懼屢疏獲辭公騎省時長官
居相位引為備邊司副提調蓋勑設以待公公有

所不可力辭之冬至朝 京賀節丁酉倭警復急
奉 王妃後宮出次遂安州縣殘破事多未集賴公
以濟亡何以都承旨 召還經理楊公鎬要 上
駐堤川應援堤去倭營固不遠而或云因擁南下
以臨賊從臣預選者皆逡巡內懼公前在外不置
選中上疏請從會 上不果行解職歸覲 特命
增秩以寵其行為養得延安府使數月遭大憲公
憂 懿仁王后喪赴臨反次服闋授護軍 山陵久
未定上疏論破妖說遂得吉卜拜京畿觀察使病
免病在沈滯 上念之嘗問藥物視大臣禮數而

它 恩賜又加渥焉公上箋陳謝因乞補外調病
養母詞理懇到 上覽之嗟賞 手札優荅不許
外補明年 詔使顧天峻崔廷健來接待至難所
在力屈 上以畿甸亢羸薄即用公再授觀察使
措置有方二使卒飽橐歸而民不甚病病辭又為
江原道觀察使道務多暇行部所過探歷諸名區
遇故人寒士觴詠甚適餘不煩一毫詣寧越祭魯
山墓見其蕪廢心傷之還朝有遣近臣致祭之
命公實發之也 朝廷紀壬辰諸臣勞公建言俱
社稷役而執干戈與執羈勒不翅有間宜多錄武

功以慰士心人皆避公而權相格不用勘定原從
故多溢鮮不以加巖公以提調主其事一切按簿
据行見詘者亦自以不寃已策勲二等 賜扈聖
功臣號超階封錦溪君公於兩銓度支春官秋官
為叅判叅議或至再三為大司成大司憲政府叅
贊者各一 經筵館閣金吾總管承文提調亦婁
兼馬皆未久遷拜戶曹判書公常慮國計出入不
相侔意欲大更宿弊方與僚貳講究亡何出為平
安道觀察使孔道艫鞅交錯所轄大饒文書地邊
胡易警民俗喜訟善賄為政者病之公能剝積案

若洗兩競之間無汚舌以其暇興儒學課武藝廣
儲侍詢問疾苦躬歷險要設冰城以弭冬防諸難
徧舉者一運之掌而至於賓筵酒席風流間散撫
接親故䟽戚適宜人情翕然黜悍吏之不從令者
啓發債帥貪恣狀已之債帥能使權相喜怒悍吏
即公之族子最親者人尤以為難林夫人壽考康
寧先自叔子信川治所移從仲子于黃州徃來有
煒公又迎至平壤朝夕備養江湖樓觀選勝稱壽
子姓兄弟左右娛侍遠近豔稱秩滿以原封就第
宣祖之喪以公為守陵官其冬林夫人卒公受

訃出外號哭。俟處聞訃，代即牒喪次，旋奉朝旨，促還葬聽會下。宣祖於艱難中視公如家人父子，公亦感鏤至骨。自居方喪，若喪考妣，又復思戀老母，憂心鬱結，及遭兩感，言貌憔悴，左右不忍見用。恩例進三階。國喪畢，歸次於家。辛亥外除，復原封兼判義禁府事。鄭仁弘與李爾瞻等陰相唱和，自謂有夾日之功，飛揚恣睢。仁弘至，乃亂道謗賢，其言類訾公疏斥甚力。奸黨恨之，爭欲中傷。會鳳山守中慄上急變，慄本細人，通知諸奸，意在搆禍。盜秉捕得流丐無狀者，淫刑強服，謂為謀逆。光海

親御按問公以推官入坐其供辭牴牾者時因大臣問及歷言之爾瞻等在傍側目明日光海下教朴某營護逆賊其適判義禁言路承望請拿鞫只命削爵久之叙復原封癸丑夏朴應犀獄起辭引徐羊甲鄭浹等前後一脉皆從爾瞻輩誅脅中出來指國舅金悌男為禍首連及七臣歸在永昌大君璣璣年甫七歲初宣祖寢疾念璣無已憂它日不全手書遺教屬光海愛護同氣又託公卿中七人公與焉至是爾瞻等指為偽旨使其黨論七臣不即辨明並請削去仕版而已鄭浹所誣又甚

廣先朝宰臣名士殆無得脫者公與諸公俱逮
事雪即釋始公對獄隨詰以辨與國舅間隔故有
其跡自不得不不及無它連其後宮中巫蠱事發奸
臣撓此一段籍以為証素害公者又乘時從吏遂
傳會成案上浸長秋其禍漫漫衆人不察訾公
已甚獨白沙李公恒福玄軒申公欽心知其不然
蓋十餘年間莫有能明之者丙辰爾瞻等定議廢
毋復以七臣為媒蘖請寘遠方止配中道越六年
放還田里今上反正好議論者追咎前事不復
究實泐泐雷同必捥棘之乃已諸大臣取金吾舊

牘見公爰書相謂審如此此何罪歟於是首相李
公元翼及鄭公曄李公貴為之論解皆報聞或謂
已事不至此然人鮮知之故不傳公夷然就道戒
家人備身後在康津五年足不闕外戶丁卯量移
扶安又六年內徙忠原又二年 恩宥自便買屋
西湖上為終老計公素強無疾病日與親懿衍衍
相樂一夕忽疾上衣未竟奄然瞑矣春秋六十七
公既歿諸孤陳狀叫寃詢諸大臣領議政吳允謙
等四人議皆曰實如其章乃 命復爵如故公中
身容貌黧然胡髯被頰目光炯炯能辨二十里外

人物性喜真率時時不為儒縛其居家事親無不
曲盡兄弟相為知己言出莫逆親歿折箸一聽立
嫂長姊仕宦勲貴貲產不益鄉里親戚稱之無二
口與人處削去町畦胸中無少隱蓄或言其太露
則曰待人先設疑難是我自不信也貧窮卹難無
間貴賤所至衣冠如歸談笑溢席相對忘形不知
其為貴人也至於莅職奉公絕無私撓當事慷慨
直前不避雖在流離中聞朝廷行一善政則喜
形於色有不合時宜者憂歎終日平生無嗜好唯
好酒而不至亂久客龍巖佳冶比屋閉門自守如

處子人重其操履自少讀書數行俱下又能強記
然負其所長意不屑也閑居以來頗近書籍興到
落筆翩翩不讓當家旁通篆數祿命射御諸藝得
其妙詣亦有不習而能之者所著放逸遺稿二卷
藏于家景公妙歲蜚英以才自見臨危蹈難忠猷
益著 國家中興公為功臣肖像麟閣鬚毛未變
吁盛矣哉禍降自天身更百罹撓推不止執成按
抒世運重亨途轍逾窮咫尺脩門舍用長逝豈非
命也夫人承旨善之女右叅贊李公夢亮之外孫
少公一歲在室有女士稱及歸婦婦母母都尉嘗

病往視之見朋友問疾者多輒不悅曰儀賓之道
當屏居若處子兒其不然異乎吾所聞其高識遠
慮類此乙丑五月從公在康津謫所病卒墓于坡
州某里某山某原後某年某月某日與公合葬生
四男三女長即都尉承 宣祖第五女貞安翁主
錫封錦陽次漪文科掌令次維有文行夭歿次濱
女壻大司成李明漢叅奉洪慶深進士柳誠吾錦
陽一男世橋李明漢四男一女修撰一相進士嘉
相餘幼漪二男一女洪慶深二男二女柳誠吾一
女俱幼貳高一男名某銘曰

嗚呼自近世士林所倚有若梧里李公白沙李公
玄軒申公楸灘吳公守夢鄭公而已茲數公者不
阿私以廢公論也明矣訾公之口哆若南箕公不
自白數公者白之衆人所毀君子所完其言足徵
來世永觀

右贊成李公神道碑銘 并序

公諱時彥字君義後有所避改名直彥自號秋泉
我太宗王子補始封孝寧大君生宰瑞原君生
薰高林正生璿孫叅山正生洞副護軍是為公之
考公即太宗之六代孫也公既貴推恩高林

已下皆封為君 贈副護軍議政府左贊成母鄭氏貞敬夫人蓋當我 宣祖之世號為多士而上命樊廡謹聳式具寮通朝得四人而公與焉人曰清哉先海時奸臣從吏請廢 母后不從者罪之公以正獲罪人曰直哉今 上丁卯歲西廡深入要盟 朝廷將聽之公年八十上疏請擊人曰勇哉世以此槩公平生君子謂之篤論初贊成公委禽於尚衣別坐鄭某之門嘉靖乙巳三月生公生而明穎稍長精學敏藝父歿廡墓盡禮士友慕其才行多傾嚮之癸酉中司馬丙子擢明經甲科

以原有階例陞成均館典籍歷戶工二曹佐郎司
憲府監察連補魚川察訪寧邊判官三和縣令登
第十年寂寂無一尉薦不以一書輒道權貴人毋
憂服闋拜戶曹正郎改司憲府待平時有附朋勢
指正為邪者公獨力辨之改典籍屢改直講禮曹
佐郎正郎凡六遷得平山府使亡何免歸歷校書
館校理尚衣司僕二寺正再入憲府為掌令改司
宰監正壬辰 宣祖西幸龍灣公方受使居外聞
難徒步追赴 行在條陳恢復之策 上引見褒
納拜司諫院獻納改掌令出海西調兵食還為司

諫癸巳賊退扈 駕至永柔使嶺南宣諭明年又
使湖嶺賑饑凡三出皆帶御史銜以公素精幹饒
風力也 天朝旣許倭款迫令我國解仇通使公
力陳絕和復讐之義燕上時務八條議雖不行士
論寔之權相諷言路加罪鄭相澈欲盡去士類之
異論者公與執義中公欽暨二三同寮極言俾辨
繇是大忤時議久在散秩又以御史出督兩南軍
餉亡何拜仁川府使以能治劇移水原未赴聽民
借留三年入拜右通禮又以御史出嶺南餉 天
兵調給無乏 天將亟稱之 上固已知其能進

階通政授僉知中樞府事以陳 奏副使請糧得
准賜厯馬拜戶曹參議改同副承旨序至左副參
鞫逆獄陞嘉善西叙護軍兼同知義禁府事用廉
謹又陞嘉義無都提府副提管出為驪州牧使亡
何移慶州府尹居數年治績為一道最 特陞資
憲拜本道觀察使入為知中樞府事漢城判尹兼
知義禁府春秋館事都提管改大司憲光海以疑
忌起大獄公辭不拜以謝 恩使如 京師值燈
市司館者縱使出觀同行盡往公獨不往謂從者
曰士不觀於市况在 上國乎司館聞之待之有

加禮還拜開城府留守亡何免歸自後為都憲知
樞者四判書工刑察貲政府者各一春秋義禁提
管往往無帶焉癸丑之變一時名卿善類指為逆
黨並加誅竄公憂傷慷慨杜門謝事及廢 母論
起命收廷議奸黨麻立誅脅百端公若不聞抗議
不撓迨百寮伏閣下逮章甫胥徒無不怵迫恐後
而公終不一造臺諫交章請竄不下者數年公出
郊伺命即所居命之曰姑庵庶隅書望賢格言及
自著箴警之語朝夕輒誦以寓戒飭內外不通謁
問門外之跡如掃也今 上反正起守正舊臣即

拜公左叅贊其所以褒予者備至已超拜右贊成
官其子若弔公固辭改判中樞又改判敦寧歲時復
賜綵絮米肉至明年又如是而豐腆有加一時豔
稱皆以為聖諭中清白一節終始不渝者公實
無愧云公上疏乞骸溫旨不許崇禎戊辰四月
以疾終于城南第春秋八十有四易簣之際神氣
如常計聞輟朝二日遣官吊祭如儀官庀葬事
是年六月丙午窆於川縣金佛里亥坐之原從先
飛也公自少立志不苟言動有法在羣輩中無敢
以狎進者日必晨起謁祠堂退處一室平居未嘗


背北而坐端默終日留心經籍至於聲伎游讌勢利紛華泊如也友愛昆弟衣食與同以及宗族姻戚待之各盡其道家素貧至貴無少易歿未終喪饋奠幾絕賴得恩賜方始有繼平生不干請人亦不敢干請世比包閻羅其在行朝守宰有餽問者公即舉劾之或疑其太過公曰此何時而欲效故習耶聞者竦然赴遼東盛寒野宿譯人進毳具卻之曰君父在草莽臣子何心取煖乎光海鉅興土木朝士家爭雇役以自給公既斥益匱尚禁止家人曰亡國之舉縱不能諫忍助之耶立


朝五十餘年守職奉公不避夷險愛君憂國之心
白首如一國有大事杖而造朝遇可言者盡言不
諱嘗曰吾平生無可觀者但不欺親不欺君以此
自立云嗚呼公可謂清脩篤行君子也夫人禹氏
丹陽人進士思謙女甚有婦道生三男二女先公
三十八年歿至是穿其塚而與公合葬焉男俱夭
女長適承旨金光煜次叅判曹文秀側室一男一
女男曰在女適韓誠承旨一女適縣監李穰叅判
男女各二男漢英文科壯元女適慎聖三餘幼在
一男夢賚女二幼韓誠二男二女銘曰

宣祖在宥運正當陽登賢進髦歌詠思皇黻黻宗
英于庭以揚含章守貞厥耀未彰試政下邑政舉
民寧擢秉憲綱乃振直聲其直如何不阿不傾
主知斯眷士論同獎昭忱板蕩告猷克壯徽垣介
和大義炳朗孤薰衆猶不容何病莫非王事殫心
餽饗乃績孔嘉遂膺慶賞事脩官亨誰泥誰使遘
東達察庶白之吏不三不五並公為四治優南州
進都方岳入首郡國屢專臺席非禮不動華人敬
服世移慘黷乾莫坤夕風雨如晦雞鳴不已日月
重輝施褒先被耆英公社孤棘公位靈壽煌煌有

清陰先生集卷之二十四
光民恥寇深傳圻要我血壯謀臣失畫猛士韜兵
公老益壯奮同請纓至精至剛正氣攸鍾立言醇
史永式東邦桓楹屹屹銘示元疆

清陰先生集卷之二十四





集賢堂

十